

Vol 13 Abril - Julho 2018

## FDCH Sei Haforsa Liutan Monitorizasaun no Avaliasaun ba Implementasaun Programa Tomak





**FDCH Sei Haforsa Liutan Monitorizasaun no Avaliasaun ba implementasaun Programa Tomak. Informasaun kompletu lee iha.....Pájina 6.**



**Comitê de Avaliação Propostas e Subsidios (CAPS), informasaun kompletu lee iha Pájina.... 10**



**ITC-ILO Turin, Italia fó Apoiu Formasaun ba Timor-roan na'in 5 iha área Traballu Dignu lee kompletu iha Pájina .....20**



3. Editorial
5. Lia Menon Sekretariu Ezekutivu FDCH
6. FDCH Sei Haforsa Monitorizasaun no Avaliasaun
10. Comitê de Avaliação Propostas
18. Relatoriu Ezekusaun Orsamentu
19. Linhas Ministeriais Akreditadas
20. ITC-ILO Turin, Italia fó Apoio Formasaun ba Timoroan na'in 5
23. Reportajen Atividades FDCH
24. Revista Universidade
27. Lensa FDCH
34. Per I FDCH

## Responsável Jerál :

Ismenio Martins da Silva, Sekretáriu Ezekutivu FDCH

Responsável Gabinete Jestaun Sistema Informasaun :

Henrique do Rosario (Koordenador GAGESI)

## Responsável Redasaun:

Antonio Febu (Chefe Departamentu Media no Relasaun Pública)

Editor : Antonio Febu

Editor Textu : Joanico D. Guterres & Antonio Febu

Jornalista & Fotógrafu : Joanico D. Guterres, Atanasio

Soares, Maxi Boavida & Antonio Febu

Grafismu : Maxi Boavida & Antonio Febu

Layout : Antonio Febu

## Secretariado Técnico

Fundo de Desenvolvimento do Capital Humano (FDCH)

Eis Edifício do MF Edifício 5, 10 Andar, Palácio do Governo, Dili, Timor-Leste . Telefone +670

3310289/3310624 (Ext.113) email: info@fdch.gov.tl

## BOLETIM TRIMESTRAL DO FDCH

### PROPRIEDADE:

Secretariado Técnico do

Fundo de Desenvolvimento do Capital Humano (FDCH)

IMPRESSÃO: Super Xerox

Rua 15 de Outubro - Audian Dili, Timor-Leste

TIRAGEM: 500 Exemplares

EDIÇÃO: Abril-Junho de 2018

DIREITO DE AUTOR: Protegido

PUBLICAÇÃO:

Secretariado Técnico do FDCH

**L**oron Di'ak Sani Nain Buletin Trimestral FDCH. Aproveita biban ida-ne'e hakarak kongratula ita-boot sira nia partisipasaun iha eleisaun Antesipada Parlamentár ne'ebé la'o hakmatek no tranquillo tebes, ne'e signifika katak povu hatudu ona nia maturidade, hatudu katak kualidade ema timoroan sira nia komesa dezenvolve beibeik ba oin.

Com certesa ida-ne'e hola parte iha dezenvolvimentu rekursus umanus ne'ebé ita nia estadu kontinua hatu'ur iha prioridade ida ne'ebé aas, ninia fins maka kriaun Fundu Espesiais ida ne'ebé ita hotu hatene ho naran Fundo de Desenvolvimento do Capital Humano ( Sigla ho FDCH).

Susesu Eleisaun Antesipada Parlamentár nian ne'e mós nudar rohan hosi ukun ba Vilho Governu Konstitusional, ne'ebé maske fulan sia deit maibe konsege jere no ezekeuta orsamentu jerál estadu Duo-Décimo ho efetivu.

Sani Nain Buletin FDCH mak ami hahi, iha trimestre daruak tinan ne'e hanesan mós faze tranzisaun ukun hosi VII Governo ba VIII Governu tanba ne'e iha biban ida ne'e hakarak hatu'o apresiasaun no agradesimentu ba servisu Governu anterior no kongratula estrutura governu foun ne'ebé lidera hosi S.E. Sr. Taur Matan Ruak.

Iha Primeiru Ministru atual nia diskursu mos mensiona konaba inportansia husi dezenvolvimentu kapital umanu ne'e signifika katak asuntu rekursus umanus nian sai nafatin responsabilidade ba entidade hotu-hotu atu dezenvolve di'ak liutan rekursus umanus timoroan ho kualifikadu hodi responde ba dezenvolvimentu pais nian tantu iha tempu agora no futuro.

Tanba ne'e mak FDCH nu'udar Ajensia estadu ne'ebé iha kompetensia no haktuir nafatin ba mandatu lei haruka. FDCH sei esforsu nafatin hodi hadia di'ak liutan kualifikasaun timoroan hotu-hotu nian liuhosi programa prinsipal 4 hanesan Formasaun Profisional, Formasaun Técnica, Bolsa Estudo no Tipu Formasaun Seluk.

Kna'ar no responsavel sira ne'e pelumenus hatudu nafatin liuhosi atividades hirak ne'ebé sita iha Buletin Trimestral FDCH nian.

Ikus-liu lahaluha hatu'o agradese uain ba ekipa tomak ne'ebé kontribui ba produsaun Buletin ne'e, redasaun mos rekuñese nafatin katak buletin ne'e sei dook tebes husi liafuan perfeito, ho nune'e hakraik an nafatin, simu sugestions no kritikas konstrutivus hotu-hotu ne'ebé hatu'o husi sani nain sira.

Obrigado.

**"Sidadaun ida-idak ho nia planu ida ba moris, ho matadalan ne'ebe klaru no akon-sellamentu adekuada kona-ba oportunidade ba edukasaun, formasaun no diferente op-saun profisional"**

(Taur Matan Ruak, Discurso do 1º Ministro - Tomada de Posse 22 - 06 - 2018)



**"Se ita dehan minarai laos rikusoin ne'ebe di'ak, rikusoin ne'e mak ema. entaun ita tenki buka hatene ita nia ema sira".**

(Kay Rala Xanana Gusmão, Estudo Avaliasaun FDCH 2015)



**"Ita tenke defini politika edukasaun no formasaun ba interese nasional haktuir prioridades n asaun nian hodi ajusta tuir nesiedade merkadu traballu ba dezvoltamentu Timor-Leste ida buras liu tan"**

(Mari Alkatiri, 27/10/2017, FDCH Encontro ho PM)



## Lia Menon



Sr. Isménio M. da Silva  
Secretário Executivo do  
FDCH - MDRI

**U**luk nanain hakarak hato'o ami nia parabens no bemvindu ba VIII Governo Constitucional ne'ebé lidera husi S.E. Sr. Taur Matan Ruak no bá Estrutura Governu tomak. Agradese wain tebes, Governu foun ida-ne'e sei tau ás no prioritiza nafatin programa Dezenvolvimentu Kapital Umanu ne'ebé durante ne'e fasilita ona timoroan lubun-boot liuhusi ninia funsaun prinsipál haktuir Dekretu Lei n.o 12/2011 kona-ba estabelesimentu Fundo de Desenvolvimento do Capital Humano-FDCH.

Bazeia ba prioridade ne'ebé hau mensiona iha leten haktuir S.E. Primeiru Ministru nia diskursu hafoin simu posse nuudar Xefe Governu RDTL ba da-ualu iha Palácio de Nobre. Sekretáriadu Tékniku FDCH komesa haka'as án atu kapasita liutan ninia funcionáriu sira kona-ba oinsa bele hatene lalaok inklui servisu monitorizasaun no avaliasaun ba planu programa no implementasaun atividades kapasitasaun rekursu umanu sira ne'ebé mai husi kada Liña Ministeriais. Kapasitasaun sira hanesan ne'e importante tebe-tebes tanba aleinde finansia Programa Bolsa-Estudo, Formasaun Profisional, Formasaun Tékniku no Tipu Formasaun Seluk, FDCH mós iha responsabilidade atu halo monitorizasaun no avaliasaun ba programa sira refere nune'e bele garante transparénsia ezekusaun programa sira ba iha públiku haktuir artigo 20 Dekretu Lei no. 12/2011.

Foin lalais ne'e mós ekipa CAPS (Comissão Aprovacao Proposta de Subsídio) ne'ebé lidera husi hau rasik nuudar Prezidente CAPS hamutuk ho membru sira ne'ebé kompostu husi coordenadores gabinete iha FDCH deskute no ikus mai rekomenda proponentes balun husi proponentes sira seluk ne'ebé hatama ona proposta atu hetan subsidiu ba sira nia estudu. Aleinde ida-ne'e ekipa mós sei halo verifikasaun klean liutan ba proposta sira ne'ebé sei pendente hela, no hein katak ikus mai bele ona prienxe rekeztus sira.

Aproveita mós ho VII Governo Constitucional, FDCH servisu hamutuk ho MNEC hakarak esplora liutan prioridades hodi identifika áreas pertinentes hodi fó formasaun ba diplomata timoroan sira. Formasaun sira ne'e nu'udar parte ida atu reforsa abilidade sira nian kona-ba bainhira hala'o knaar iha rai-liur hodi governu Timor-Leste nia-naran. Tan ne'e FDCH prontu nafatin tau orsamentu ba atividades sira hanesan ne'e iha futuru, nune'e bele hasa'e liutan qualidade diplomasia Timór-Leste nian.

Iha parte seluk, atu antisipa tráfik uumanu no droga sira tama mai Timor-Leste, FDCH servisu hamutuk ho Ministériu Interiór hala'o formasaun ba membru Polísia Servisu Imigrasaun kona-ba prevensaun krime tráfik uumanu liuliu iha liña fronteira terrestre nian. Timor-Leste nuudar nasaun independente iha obrigasaun atu proteje ninia soberanu no sidadaun sira husi hahalok krime. Tan ne'e prezisa tebetebes hakbiit ita nia polísia servisu imigrasaun hodi bele iha kuñesimentu kle'an atu kumpriende hahalok krime sira ne'e nia lalaok.

Ikus liu iha tremestre ida-ne'e (Abríl – Juñu) tinan 2018, liuhusi akordu ne'ebé FDCH ho ITC (International Training Center) halo iha inísiu tinan ida-ne'e (Janeiru 2018) consege fasilita no finansia timoroan nain 5 ba tuir formasaun kona-ba traballu dignu iha Turin, Itália ho objetivu maka oinsa sira bele iha kuñesimentu no kapasidade atu hatene pensamentu global no tendénsia ne'ebé resente kona-ba traballu iha futuru. La to'o ba ida-ne'e deit. FDCH sei ezekuta nafatin programa sira ne'ebé ligadu ho rekursu umanu Timor-Leste. No sei publika iha kada trimestre (fulan 3 dala ida). Tuir mai, hau akonsella atu ita hamutuk bele hare liu tan informasoens ne'ebé ami nian ekipa iha ST-FDCH tau hamutuk ona ba ita hotu.Obrigado..!!

Isménio Martins da Silva  
Secretario Executivo FDCH - MDRI



## FDCH Sei Haforsa Liutan Monitorizasaun no Avaliasaun ba Implementasaun Programa Tomak

Atu garante katak programa tomak FDCH nian la'o tuir planu ne'ebé implementa ona no to'o fin sei hetan *outcome* no impaktu ida ne'ebé di'ak hodi responde ba Planu Estratejiku Dezenvolvimentu Nasional nian, Sekretariadu FDCH kontinua kapasita nia funsionariu sira iha trimestre daruak tinan ne'e.



**M**onitorizasaun no Avaliasaun (M&A) ita haree nuudar buat rua ne'ebé separa, maibé iha funsaun ne'ebé sempre liga ba malu. Ida-idak iha ninia servisu rasik maibé sempre kontribui ba malu atu elabora dezempeñu husi programa ida ne'ebé hala'o ona.

Iha argumentu signifikante balun kona-ba importánsia husi monitorizasaun no avaliasaun liuliu iha setór públiku, maka; M&A bele oferese informasaun importante kona-ba dezempeñu setór públiku nian. Aleinde ida-ne'e M&A mós pelumenus bele hato'o ona dezeńu inísiu estatutu husi programa ka projetu ida, inklui mós bele promove kredibilidade instituisaun no ikus mai hetan fiar husi públiku liuhusi relatóriu rezultadu programa.

Fatores interesante balun tan atu dignifika improtánsia husi monitorizasaun no avaliasaun ne'e mak oinsa atu ajuda instituisaun para bele formulariza no justifika proposta orsamentu liuhusi identifikasaun potencialidade programa ba futuro.

Haree ba importánsia hirak ne'ebé mensiona iha leten, Fundo de Desenvolvimento do Capital Humano (FDCH) foin lalais ne'e servisu hamutuk ho Landi Institute Bali fó formasaun ba funsionáriu sira FDCH nian iha Pusat Budaya Indonesia, Dili.

Bazeia ba papél prinsipál FDCH nian haktuir artigu 20 Dekretu Lei no. 12/2011 ne'ebé dehan katak Estabelesimentu Fundo de Desenvolvimento do Capital Humano harii ho objetivu; 1) Atu asegura jestaun finanseiru ba investimentu fundu iha área formasaun no dezeńvolvimentu rekursu umanu nasional, 2) Garantia seguransa no negosiasaun, asinatura ba akordu no projetu sira plurianuais, 3) Mantein verbas orsamentu ne'ebé prevé

ba FDCH iha final tinan fiskal atu garante continuidade programa no projetu formasaun, 4) Promove transparánsia no responsabilidade liuhusi mekanismu no prosedimentu relatóriu no prestasaun servisu sobre prosesu ezekuasaun programa formasaun no projetu dezeńvolvimentu kapital umanu.

Papél sira ne'e la hatudu dúvidas ba lideransa Fundo de Desenvolvimento do Capital Humano Sr. Isménio Martins da Silva nuudar Sekretáriu Ezekutivu atu halo kooperasaun ho instituisaun sira ne'ebé fornese formasaun ligadu ho Monitorizasaun no Avaliasaun tanba haktuir objetivu husi estabelesimentu fundu ne'e maka atu dezeńvolve planu rekursu umanu nasional hodi apoia ba dezeńvolvimentu iha área oioin.

Aleinde ida-ne'e FDCH harii atu mellora liutan planu, jestaun no implementasaun programa no mós garante lalaok programa ho ninia ezeкуasaun orsamentu públiku ne'ebé transparente ho despeza governu nian relasiona ho kustu sira ba formasaun, bolsa-estudu no programa dezeńvolvimentu rekursu umanu iha Timor-Leste.

Haree ba funsionamentu servisu fundus nian ne'ebé jere no finansia planu, programas no implementasaun programa dezeńvolvimentu rekursu umanu sira Timor-Leste nian tantu iha rai-laran no mós iha rai-liur, nesesáriu tebetebes atu kapasita nia a'an liuhusi ninia funsionárius hodi bele ezerse funsaun sira ho profesional no proporsional, liuliu iha área monitorizasaun no avaliasaun.

Formasaun ne'ebé partisipa husi funsionáriu FDCH nain 23 ne'e fahe ba etapa rua (2) no durasaun tempu ba kada etapa mak loron lima (5). Etapa dahuluk hala'o iha loron 23-27 Abril 2018 ne'ebé partisipa husi funsionáriu nain hitu (7). De poisde remata, programa formasaun ba

daruak kontinua kedas ho partisipante sanulu-resin-lima (15) husi nivel Xefe Departementus no Coordenadores iha loron 15-19 Maiu 2018.

Matéria formasaun ba etapa sira ne'e maka oinsa hala'o monitorizasaun no avaliasaun ba planu programa, implementasaun no rezultadu husi programa refere. Signifika matéria ne'ebé hato'o ba partisipantes sira ida deit, maske hala'o ho tempu ne'ebé la hanesan.

Tuir observasaun, formasaun durante loron lima (5) nia-laran, partisipantes sira antusiasmu tebetebes atu rona no buka komprende saida mak monitorizasaun no avaliasaun ne'ebé hato'o husi formadores.

Hermenegildo da Silva ne'ebé sai mós partisipantes ba formasaun refere haktuir katak formasaun refere intressante tebes atu hatene, maske durante ne'e sira implementa hela iha sira nia knaar fatin.

"Ida-ne'e intressante tebetebes mai hau, maske prátikamente ita hala'o bebeik iha ita nia servisu fatin, maibé hau fiar ho formasaun ida-ne'e bele aumenta liutan ita nia kuñesimentu no kapasidade atu hala'o monitorizasaun no avaliasaun ba planu programa sira iha ita nia servisu fatin". Dehan peskizador ne'e durante formasaun nia-laran".

Fundo de Desenvolvimento do Capital Humano (FDCH) nu'udar instituisaun ne'ebé finansia planu no programa sira kona-ba formasaun no bolsa-estudu nesesáriu duni ba funsionáriu sira atu iha kuñesimentu kle'an kona-ba oinsa halo monitorizasaun no avaliasaun ba planu programa sira ne'ebé fundu ne'e finansia bá.

Durante hala'o formasaun, formandus sira hetan matéria sira mak hanesan;

modelu sira monitorizasaun no avaliasaun nian inklui oinsa ninia implementasaun husi modelu sira ne'e.

Iha formasaun refere, partisipantes sira hetan modelu monitorizasaun no avaliasaun rua. Modelu ida mak KirkPatrick ne'ebé orienta liu atu hala'o durante formasaun ka atividades ruma ne'ebé la'o hela no modelu Landi Institute nian ne'ebé mak kobre tomak monitorizasaun no avaliasaun hahú husi planu to'o ninia impaktu. Depoisde kumpriente no intende ona lalaok monitorizasaun no avaliasaun iha formasaun refere.

Smith Ndila nuudar formandus husi Landi Institute rekomenda ba Sekretáriu Ezekutivu Fundo de Desenvolvimento do Capital Humano Sr. Isménio Martins da Silva atu bele dezenvolve modelu rasik FDCH nian kona-ba monitorizasaun no avaliasaun tuir nesesidade instituisaun nian.

Rezultadu husi formasaun refere, Sekretáriu Ezekutivu FDCH forma no orienta ona ekipa ida ne'ebé kompostu husi kordenadores no Xefi Departmentus sira ne'ebé lidera husi Gabinete Peskiza, Verifikasaun no Fiskalizasaun FDCH ne'e atu deskute kona-ba modelu Monitorizasaun no Avaliasaun FDCH nian.

Tuir informasaun ekipa refere sei apresenta modelu sira ba iha Sekretáriu Ezekutivu iha fulan badak nia-laran.

Molok ne'e modelu Monitorizasaun no Avaliasaun ne'ebé partisipantes sira simu durante tuir formasaun maka;

#### 1. Modelu KirkPatrick;

Modelu ne'e bele uza durante programa sira hala'o hela. Objetivu husi modelu ne'e mak oinsa atu hatene saida mak partisipantes sente no aprende durante ninia involvimentu iha programa refere.

Tuir mai nivel sira kona-ba modelu ne'e KirkPatrick maka:

#### a) Nivel Reaction (Reasaun):

Nivel ida-ne'e atu sukat oinsa reasaun partisipante sira nian kona-ba formasaun ne'ebé sira tuir ka bele dehan mós husu sira nia satisfasaun kona-ba lalaok formasaun refere.

Reasaun ne'e bele mós hanesan sentimentu, hanoin no ejijensia partisipantes nian kona-ba lalaok formasaun inklui ninia responsavel nomós kondisaun ambiental.

Bazeia ba saida mak mensiaona iha leten, ekipa monitorizasaun presiza dezenvolve padraun no sasukat saida mak atu uza nune'e notas sira ne'ebé hetan husi partisipantes bele sai sasukat ba nivel qualidade husi formasaun refere.

#### b) Nivel Learning (aprende):

Nivel ne'e nuudar sasukat atu hatene oinsa partisipantes sira nia kumpriensaun no intendementu durante tuir formasaun. Iha variasaun tékniku oioin mak ekipa bele uza atu sukat serake partisipantes sira hetan duni kuñesimentu uiltuan ona ka seidaok.

Atu bele hatene kona-ba saida mak partisipantes sira aprende durante formasaun, ekipa bele sujere atu halo pre-test no post-test nune'e bele suakt ona partisipantes sira nia kuñesimentu no intendementu durante iha formasaun nia-laran.

#### c) Nivel Behavior (kustume):

Nivel ne'e nuudar avaliasaun ida ba formadores sira depoisde remata formasaun. Nivel modelu ida ne'e bele hala'o iha partisipantes sira nia knaar fatin, atu

bele sukat sira nia atitude ka kustume sira iha ona mudansa ka lae.

Modelu ida-ne'e KirkPatrick sujere kondisaun sira atu partisipantes sira bele iha mudansa, tenki la'o tuir padraun sira maka hanesan; Partisipantes tenki iha konsiensia rasik atu halo mudansa ba nia a'an, Partisipantes tenki hatene saida mak nia atu halo no oinsa atu hahú, Partisipantes tenki servisu iha ambiente ne'ebé bele motiva nia, no partisipantes tenki hetan apresiasaun kona-ba ninia rezultadu servisu.

#### d) Nivel Result (rezultadu):

Nuudar nivel avaliasaun ne'ebé ikus liu husi ekipa ba partisipantes sira. Ekipa bele hasoru rezultadu ikus ne'ebé variavel.

Hahú husi mudansa ba nivel produtividade, qualidade servisu, faillansu kiik sira to'o fali nivél ne'ebé frajil sira hanesan; la motiva ona nia atu halo servisu, menus produtividade no kreatividade. Iha faze ida-ne'e ekipa bele antisipa liuhusi alvu atividade iha ninia planu sira.

Realidade iha terrenu hatudu katak rezultadu la hatudu liuhusi sasukat finansira maibé liuhusi rezultadu kuantitativu.

#### 2. Modelu Landi Institute

Landi oferece modelu monitorizasaun no avaliasaun ida ne'ebé mai kedas husi planu to'o ninia impaktu. Modelu ne'e fahe ba etapa rua mak hanesan:

#### a) Etapa Monitorizasaun:

##### • Input.

Nuudar faze ida ba preparasaun proposta ba programa ne'ebé atu implementa. Faze ida-ne'e sujere atu prepara rekursu sira ne'ebé presiza, nuudar ezemplu; proposta (tenki garante surat no doku-



mentus sira preparadu ona) no orsamentu (garante mós orsamentu ba programa ne'e iha).

- **Process.**

Iha faze ida-ne'e, ekipa sira bele hahú ona prosesu sira liuhusi verikasaun dokumentus inklui kontratu no seluk-seluk tan no oinsa prosesa pagamentu ba programa refere (kustu ba formasaun no formadores).

- **Output.**

Husi faze rua ne'ebé mensiona iha leten, Output nuudar faze ida atu halo aprovasaun ba proposta no dokumentus sira ne'ebé liu ona faze verifikasaun, nune'e prontu ona atu implementa no halo pagamentu ba parte ne'ebé referidu iha proposta nia-laran.

b) Etapa Avaliasaun:

- **Outcome**

Iha faze ida-ne'e, ekipa bele halo ona sasukat ida ba rezultadu formasaun husi participantes sira ne'ebé involve direta iha atividades refere.

Outcome ne'e inklui saida mak participantes sira aprende durante sira tuir formasaun, serake sira iha ona kuñesimentu ka abilidade natón ka lae.

Tanba husi sasukat ne'e participantes sira bele ona promove sira nia a'an durante hala'o sira nia knaar.

- **Impact.**

Impaktu ne'e nuudar faze ikus liu avaliasaun nian ba participantes sira, oinsa husi rezultadu formasaun ne'ebé nia tuir ona bele fó impaktu ba ninia individualmente, sociedade no mós nasaun.

**Monitorizasaun:**  
**Asegura implementasaun programas ka atividades la'o tuir nafatin planu**

**Avaliasaun:**  
**Asegura rezultadu atinje tuir metas ne'ebe ita hakarak.**

# Comitê de Avaliação Propostas e Subsidios (CAPS) FDCH



**Kritérius jerais atu avalia ba propostas subsidiús individuais no subsidiús finalistas, mak hanesan-proposta subsidiús tenki dirije ba CA-FDCH ka Presidente CA-FDCH hodi esplika nesesidade estudo no difikuldade finanseira ne'ebé estudante ida hasoru.**

**C**omitê de Avaliação Propostas e Subsídios (CAPS), Fundo de Desenvolvimento do Capital Humano (FDCH) halo diskusaun hodi halo pareser aprovasaun ba propostas subsidiu individuais hamutuk 13 ne'ebé timoroan sira hatama hodi husu apoiu finanseiru ba sira nia estudo.

Secretário Executivo do FDCH Sr. Isménio Martins da Silva nu'udar Prezidente ba CAPS ho ninia membru sira mai hosi koordinadór sira iha gabinete FDCH nian hanesan Gabinete de Gestão e Sistema de Informação GAGESI Sr. Henrique do Rosário, coordenadora Gabinete da Administração, Finanças e Recursos Humanos Internos GAFRHI, Sra. Leila Carceres, koordinadór Gabinete do Plano Pesquisa, Fiscalização e Verificação GAPPEFIV, Sr. Filomeno dos Santos Lay, Koordinadór Gabinete dos Serviços dos Pagamentos GASEPA, Sr. Aderito Soares no koordinadór Gabinete do Aprovisionamento e Logística GAPLO Sr. Eugébio Bareto.

Durante fulan Janeiru to'o Abril proposta individuais ne'ebé ekipa hosi GAFRHI submete ba CAPS hamutuk 24 hosi proposta ne'e konsege halo aprovasaun ba proposta 13 tanba tuir duni kritéria ne'ebé FDCH iha, enkuantu proposta hitu (7) pendiente no ekipa hosi FDCH kontinua buka tan informasaun adisional hodi

kontinua husu ba proponente sira atu atualiza mós sira nia notas, entretantu proposta haat (4) rejeita tanba dokumentus la kompletu no valor ikus la tuir kritéria ne'ebé termina nune'e mós proponente balun la aneksa valor estudo nian.

"Nu'udar prezidente CAPS anuncia proposta ne'ebé aprovalu hamutuk sanulu resin tolu (13), rejeita haat (4) no pendiente hitu (7), nune'e iha faze tuir mai tenke haree liu ba áreas importantes hosi estudo proponente sira nian no sira nia valor," hatete Sr. Isménio Martins da Silva iha salaun knowledge Center FDCH.

Rekeзитus ka kritéria ne'ebé iha mak sei haree liu ba áreas estudo ne'ebé importante no área estudo haktuir prioridade Planu Estratejiku Desenvolvimento Nasional (PEDN, nune'e mós valor estudo ne'ebé di'ak hanesan proponente finalista ida atu hatama proposta atu husu apoiu tenke ho valor ikus ho másimu 2.75 se hala'o estudo iha área Ciéncia Naturais, enkuantu valor 3.00 ba proponente ne'ebé hala'o ninia estudo iha área Ciéncia Sociais.

Kriteria jerais atu aplika ba subsidiu individuais tenki kompleta dokumentus hotu-hotu ne'ebé fó sai hosi Sekretariadu Tékniku FDCH.

Apoiui subsidiu ne'e sei fó dala ida de'it ba estudante ida dala ida wain-

hira hetan rekomendasaun hosi Comité Avaliasaun Proposta Subsídios (CAPS) hodi elabora no hato'o pareser ba Conselho do Administração (CA-FDCH) haktuir Artigo 110 ponto 30 iha Diploma Ministerial no 11/2011, 13 de Abril.

Kompozisaun ba CAPS husi Secretário Executivo do FDCH ne'ebé prezidi, membrus mak Koordinadores iha Sekretariadu Tékniku FDCH nian, hanesan: GAPPEFIV, GARHI, GASEPA, GAPLO no GAGESI.

**Kritérius jerais atu avalia ba propostas subsidiús individuais no subsidiús finalistas, mak hanesan;**

**Proposta subsidiús tenki dirije ba Conselho do Administração (CA-FDCH) ka Presidente CA-FDCH hodi esplika nesesidade estudo no difikuldade finanseira ne'ebé estudante ida hasoru.**

Maibe bele mos dirije diretamente ba Secretário Executivo do FDCH wainhira iha delegasaun kompetênsias hosi Conselho do Administração (CA-FDCH) ka Presidente do CA-FDCH ka Ministro tuteladu.

Entretantu Dokumentus ne'ebé presiza atu anexa mak hanesan;

1. Karta Pedidu ka rekerimentu dirige ba Prezidente CA-FDCH ka Secretário Executivo do FDCH nian wainhira hetan delegasaun, Detallu tabela proposta ne'ebé kobre ba kustu estudo.
2. Karta komprovativu sei ativu iha eskola ka hanesan estudante finalista.
3. Notas ka valores eskola nian ka transcript husi hahú eskola to'o final, pelu-menus notas semestre ikus nian.
4. Kopía Kartaun Estudantes (ID Card/ Kartu Mahasiswa).



5. **Kópia Kartaun Bilete Identidade, ba proposta iha rai-laran ka Kópia Passaporte ba estudante iha rai-liur.**
6. **Kópia Konta Bankária ho número Swift Code/ IBAN no assina iha leten.**

"Maibe, se wainhira hetan rekomendasaun no aprovasaun direktamente husi Conselho do Administração (CA-FDCH) ka Presidente do CA-FDCH, pedidu ne'e sei prosessa iha Secretariado FDCH ho rekizitus pagamentus ne'ebé iha, inkluidu halo kontratu ba bolsa parsial nian, haktuir iha Diploma Ministerial no 09/2011, 13 de Abril, iha Ponto 3º, Artigo 110, ne'ebé koalía:

"No caso de pedidos individuais de apoio por cidadãos Timorenses, compete ao Secretariado a coordenação da selecção por mérito e submissão dos mesmos ao Conselho de Administração." Haktuir Secretário Executivo FDCH.

Programa ne'e, bele mós aplika, wainhira iha parseria entre estado RDTL ho Instituisaun ruma ne'ebé fornese Bolsas metade ka In-an-Aman sira ne'ebé selu rasik sira nian oan, tantu atu kobre Propinas ka Kustu de Vida ka orsamentu ruma ne'ebé hetan konkordansia atu fahe ka partilha rekursu entre Instituisaun 2 husi Estado RDTL ho parseiru ruma interna ka externa (rai-liur).

Prosesu selesaun ba proposta sira ne'e halo atu garante transparénsia no responsabilidade ba sistema subsídiu ne'ebé FDCH atu fó ba timoroan sira bazeia ba Dekretu Lei No 12/2011 artigo 2 kona-ba objetivu estabelesimentu FDCH.

Entretantu molok proposta sira ne'e to'o iha CAPS atu halo selesaun, ekipa FDCH halo ona verifikasaun bazeia ba proponentes nia dokumentus.

Verifikasaun ne'e hala'o liuhosi entrevista no halo konfirmasaun ho universidade sira ne'ebé proponente

sira hala'o sira nia estudu ba.

Atu halo aprovasaun ba proposta ne'ebé hatama mai sei haree mós ba baze de dados ne'ebé FDCH iha hodi identifika proponente ne'e hetan ona apoiu ka seidauk. (Media FDCH)

**"Rekezitus ba proponente finalista ida atu hatama proposta husu apoiu tenke ho valor ikus ho masimu 2.75 se hala'o estudu iha area Siensia Naturais,**

**Enkuantu valor 3.00 ba proponente ne'ebe hala'o ninia estudu iha area Siensia Sosiais".**



## FDCH Monitoriza Atividade INAP iha RAEOA

**F**undo de Desenvolvimento do Capital Humano (FDCH) liuhosi Gabinete Planu, Peskiza, Fiskalizasaun no Veri kasaun (GAP-PEFIV) hala'o monitorizasaun ba programa formasaun ne'ebe organiza hosi Instituto Nacional de Administração Pública (INAP) iha Rejiaun Administrativa Especial Oecusse-Ambeno (RAEOA).

Objetivu hosi monitorizasaun ne'e maka atu asegura nansiamentu hosi investimentu publiku ba formasaun no dezvoltamentu rekursus umanus nasional no promove Transparansia no responsabilidade liuhosi hadi'a relatóriu no prestasaun kontras kona-ba ezekeusaun programa no projektu ba formasaun no dezvoltamentu kapital umanu.

Formasaun ne'ebe partisipa hosi ema na'in 25 ne'e, foka liu ba Jestaun Lideransa Tekniku ho meius oinsá nu'udar lideransa, sira bele iha jestaun ida di'ak atu rezolve problema sira ne'ebe mosu iha comunidade nia leet.

Koordenador ba ekipa monitorizasaun FDCH Sr. Prudêncio Dias iha ninia intervensaun hatete katak FDCH nia prezensa iha formasaun ne'e atu garante prosesu la'o ho di'ak, nune'e ba oin FDCH sei bele kontinua nansia nafatin formasaun sira hanesan ne'e.

"Ami mai atu garante de'it prosesu sira la'o ho di'ak, nune'e ba oin fundus (FDCH-red) bele fasilita nafatin programa sira hanesan, nune'e bele hasa'e liutan ita nia kapasidade iha área ida-

idak nian." dehan Sr. Prudêncio durante apresentasaun ekipa.

Entretantu Diretor Formasaun INAP Sr. José de Araújo Chang orgulhu tebes ho ekipa FDCH ninia prezensa iha formasaun refere tanba tuir Diretor nee alende nansia, FDCH mós hakarak hatene direita prosesu sira.

"Formasaun ida-ne'e hetan nansiamentu hosi FDCH, tan ne'e ami orgulhu tebe-tebes ekipa FDCH bele to'o no haree direita prosesu formasaun ne'e." tenik José Chang durante ninia intervensaun.

Tuir orariu ne'ebe iha, formasaun ne'e sei hala'o durante loron 5 nia-laran, hahú hosi 23 Abril no sei remata iha 28 Abril tinan 2018. Enkuantu partisipantes ba formasaun ne'e maka Administrador Postu sira hosi Munisípiu Dili, Liquiça, Ermera, Bobonaro no RAEOA rasik. (Media FDCH)

## Relatório Gastu Orsamentu Trimestral II (Abril - Junho 2018)

**Tabela 01: Klasi kasaun Ezekusaun Orsamentu kada Programa**

Nu	Programas	Orsamentu atual (USD)	Despesas (USD)	Presentajen (%)	Balanco (USD)
1	Formasaun Profesional	1,853,829.00	485,164.05	26.17%	1,368,664.95
2	Formasaun Tékniku	626,289.00	130,127.60	20.78%	496,161.40
3	Bolsas Estudu	3,740,295.00	1,848,533.00	49.42%	1,891,762.00
4	Tipu Formasaun Seluk	579,612.00	390,624.28	67.39%	188,987.72
Numeru Total		6,800,025.00	2,854,448.93	42%	3,945,576.07

Observasaun tabela 14° Iha leten amostra detallu kona-ba eze-kusaun orsamentu bazeia ba taxa eze-kusaun tuir mai ; Programa Bolsa Estudu número total hamutuk USD 3,740,295.00 representa 49.42% ; Formasaun Profisionál número total hamutuk USD 1,853,829.00 representa 26.17% ; tipu Formasaun Tékniku número total hamutuk USD 626,289.00 representa 20.78 % ; ikus liu mak Tipu Formasaun Seluk número total hamutuk USD 579,612.00 representa 67.39%.

**Tabela 02: Klasi kasaun ba Programa Formasaun, despeza orsamentu (USD) no número bene siarius.**

Nu	Programas	Orsamentu atual (USD)	Despesas (USD)	Presentajen (%)	Número Beni siariu
1	Formasaun Profesional	1,853,829.00	485,164.05	26.17%	238
2	Formasaun Tékniku	626,289.00	130,127.60	20.78%	309
3	Bolsas Estudu	3,740,295.00	1,848,533.00	49.42%	745
4	Tipu Formasaun Seluk	579,612.00	390,624.28	67.39%	234
Número Total		6,800,025.00	2,854,448.93	42%	1526

Observasaun tabela 15° iha leten amostra kona-ba despezas orsamentu ba programa formasaun Profisionál ho montante orsamentu hamutuk USD 485,164.05 neêbê bene sia ona ba número bene siariu hamutuk ema naain 238 ; Formasaun Tékniku ho montante orsamentu hamutuk USD 130,127.60 neêbê bene sia ona ba número bene siariu hamutuk ema nain 309 ; Tipu Formasaun seluk ho montante orsamentu hamutuk USD 390,624.28 neêbê bene sia ona ba bene siariu hamutuk 234 Husi orsamentu programa tolu (3) neê inklui ona orsamentu ba billete aviaun, subsídiu formasaun, kustu alimentasaun, Fornesementu material Eskritoriu, no aluga viatura, saláriu, Insentivu, kustu formasaun, kustu perdiem, aluga salaun no seluk tan. Programa Bolsa Estudu ho montante orsamentu hamutuk USD 1,848,533.00 neêbê bene siariu ona ba número bene siariu hamutuk ema nain 745 Husi total orsamentu neê inklui ona pagamentu propinas, kustu moris (custo da vida), selu billete bolseirus, seguru saúde, vistu imigrasaun, kustu pesquisa, no kustu adisional seluk.



## Linhas Ministerias Akreditadus iha FDCH tinan 2018

No	Liña Ministerial no Instituisaun Autonomo Estadu neêbé Akreditadu iha FDCH iha Tinan 2018
1	Gabinete da Presidência da República – (GPR)
2	Gabinete do Primeiru Ministru – (GPM)
3	Procuradoria Geral da República – (PGR)
4	Ministério da Presidência do Conselho dos Ministros- (PCM)
5	Ministério das Finanças-(MF)
6	Ministério da Justiça – (MJ)
7	Ministério da Educação –(ME)
8	Ministério do Petróleo e Recursos Minerais – (MPRM)
9	Ministério dos Negócios Estrangeiros e Cooperação –(MNEC)
10	Ministério das Obras Publica, Transporte e Comunicação-(MOPTC)
11	Ministério do Comércio, Indústria e Ambiente – (MCIA)
12	Ministério do Administração Estatal- (MAE)
13	Ministério do Turismo, Arte e Cultura– (MTAC)
14	Ministério da Agricultura e Pescas – (MAP)
15	Ministério da Saúde – (MS)
16	Ministério da Solidaridade Social – (MSS)
17	Sec. do Estado da Formação Profissional e Emprego -(SEPFOPE)
18	Ministério do Interior – (MI)
19	Ministério da Defesa – (MD)
20	Secretaria Estado da Mulheres-(SEM)
21	Forças de Defesa de Timor-Leste-(F-FDTL)
22	Polícia Nacional de Timor-Leste- (PNTL)
23	Secretaria de Estado da Juventude e do Desporto- (SEJD)
24	Secretaria de Comunicação Social- SECOMS
25	Secretaria do Estado de Arte e Cultura (SETAC)
26	Instituto Nacional de Administración Pública (INAP)
27	Inspeção Geral do Estado - (IGE)
28	Comissão de Anti Corrupção – (CAC)
29	Universidade Nacional de Timor Lorosae - (UNTLL)
30	Rádio e Televisão de Timor-Leste - (RTTL)
31	Instituto Nacional de Formação de Docentes e Profissionais de Educação- (INFORDEPE)
32	Secretariado Técnico do Fundo de Desenvolvimento do Capital Humano- FDCH
33	Provedoria dos Direitos Humanos e Justiça- (PDHJ)
34	Polícia Científica de Investigação Criminal-(PSIC)
35	Comissão Nacional de Aprovisionamento - (CNA)
36	Tribunal Recursos- (TR)
37	Centro Nacional E Formas de Profissional Técnico - (CNEFP)
38	Comissão Função Público - (CFP)

# FDCH HO MNEC SEI ESPLORA LIUTAN PRIORIDADES HODI IDENTIFIKA ÁREAS PERTINEN- TES BA FORMASAUN DIPLOMATA SIRA

Haforsa abilidade no koñesimentu kuadru médiu diplomata sira nian importante tebe-tebes molok destaka sira ba servisu iha rai seluk hodi reprezenta estadu Timor-Leste.



**"Apresia tebes ho apoiu no kooperasaun servisu ne'ebe di'ak tebes entre MNEC ho FDCH hodi bele realiza tan formasaun daruak ne'e hodi hasa'e liutan konesimentu no abilidade diplomata sira nian".**

**F**undo de Desenvolvimento do Capital Humano (FDCH) koopera ho Ministériu Negósiu Estranjeiru no Kooperasaun (MNEC) hodi realiza formasaun ba Diplomata nivel médiu sira molok destaka sira ba serbisu iha rai li'ur.

Objetivu hosi formasaun ne'e hodi hafórsa kuadru médiu ba diplomata sira nian ho total 26 formandos ka participantes ho nivel Segundo Sekretáriu nian.

Formasaun ne'ebe hala'o hosi loron 27 Maiu – 01 Juñu ne'e foku liubá "Practical Skills" hodi hanorin atu hakerek ba: 1) situasaun "Seguransa" ba iha fatin ne'ebe sira "post" ba hanesan iha Embaixada RDTL ka konsuladu sira; 2) Formasaun Protocolo nian; 3) Aprende maneira oinsá atu hakerek no relata di'ak situasaun hirak ne'e.

Secretario Executivo do FDCH Sr. Isménio Martins da Silva iha diskursu ba abertura formasaun ne'e hatete FDCH prontu atu servisu hamutuk nafatin ho MNEC atu tau orsamentu

ba formasaun nian tanba atu representa Timor-Leste iha rai li'ur prezisa iha skills ne'ebe di'ak.

"Atu lori Timor-Leste ba iha rai li'ur ne'e laós de'it ho background akadémiku de'it maibé buat ida pratika no skills sira ne'ebe ita iha hosi formasaun sira ne'e, ami sempre prontu para atu bele tau orsamentu," hatete Secretario Executivo do FDCH Sr. Isménio Martins da Silva iha ninia diskursu ba abertura formasaun ne'ebe hala'o iha salaun MNEC.

FDCH ho MNEC sei esplora liu tan prioridades hodi identi ka áreas pertinentes ba formasaun Diplomata sira ba to'o ms/rohan husi tinan 2018, nomós sei diskute fali prioridades mós ba tinan 2019 nian.

Entretantu Sekretáriu Jerál MNEC Sr. Antonito de Araújo, apresia ho apoiu no kooperasaun servisu ne'ebe di'ak tebes ho FDCH hodi bele realiza tan formasaun daruak ne'e hodi hasa'e liutan konesimentu no abilidade diplomata sira nian.

Partisipante sira iha formasaun ne'e hamutuk na'in 23 ne'ebe hala'o sira nia servisu nu'udar diplomata, programa formasaun ne'e sei hasa'e liutan konesimentu, abilidade no kapasidade diplomata sira nian bainhira deskta sira ba servisu iha embaixada Timor-Leste nian iha rai li'ur.

Formadora ba formasaun ne'e mak Sra. Dinna Wisnu, PhD ne'ebe mai hosi Instituisaun Synergy Policy Indonesia nian.

Formasaun hanesan primeiru etapa ba diplomata senior sira hala'o tiha ona iha loron 12/03/2018 ne'ebe partisipa hosi diplomata senior sira hamutuk na'in 22 ho ninia formadora nafatin Sra. Dinna Wisnu, PhD. (Media FDCH)





## HAKBIIT KOÑESIMENTU POLÍSIA SERVISU IMIGRASAUN BA INVESTIGASAUN KAZU TRÁFIKU UMANU

Prevensaun ba aktu tráfiu umanu no oinsá fó asisténsia ba vítima sira tráfiu umanu nian importante tebes iha nasaun foun hanesan Timor-Leste tanba ho globalizasaun mundu nian Servisu Imigrasaun tenke iha abilidade no koñesimentu ne'ebé luan iha área prevensaun no oinsá atu fó asisténsia ba vítima sira tráfiu umanu nian.

Iha trimestre daruak tinan ne'e Fundo de Desenvolvimento do Capital Humano (FDCH) servisu hamutuk ho Ministériu de Defesa e Segurança liuhosi Diresaun Jerál Servisu Imigrasaun realiza forma-saun ho tópiu Kiminaliza Trafikan-te fó Asisténsia ba Vítima, durante lora 4 hahú hosi 02-06/4/2018 ba Polísia Imigrasaun no funsionáriu sira Imigrasaun nian hamutuk ema na'in 20, ne'ebé kompostu hosi feto 11 no mane na'in 9.

Objetivu ba formasaun ne'e atu ha-

sa'e no hakbiit koñesimentu Polísia no funsionáriu sira Servisu Imigrasaun ba investigasaun kazu tráfiu umanu no liuhosi formasaun tráfiu umanu Polísia Servisu Imigrasaun bele iha koñesimentu hodi fó asisténsia ba vítima tráfiu uma-nu liuhosi liña koordinasaun ne'ebé di'ak no kriminaliza trafikante.

Sekretáriu Ezekutivu FDCH Sr. Isménio Martins da Silva iha ninia intervensaun ba abertura formasaun ne'e hatete servi-su Imigrasaun prezisa hasa'e liu tan sira nia koñesimentu hodi hatán ba global-izasaun.

"Ho mundu agora ne'ebé globalizadu ita prezisa hametin liu tan koñesimentu ba ita nia Polísia Imigrasaun sira nune'e bele ona responde kazu sira liuliu ligadu ho tráfiu umanu nian iha Timor-Leste". Tenik Sr. Isménio durante ninia interven-saun.

Iha biban hanesan bainhira hatán ba jor-nalista sira Sekretáriu Ezekutivu FDCH ne'e akresenta liutan katak Servisu Imi-grasaun nian importante tebetebes atu bele prevene no hamenus tráfiu umanu iha Timor-Leste

**"Ami agradese  
ba FDCH,  
maske ho  
orsamentu  
ne'ebe limitadu  
mais ami  
konsege  
realiza duni  
ami nia  
treinamentu  
ne'e ho di'ak no  
susesu, ba oin  
ami sei iha  
kontinuasaun  
ami nia  
treinamentu  
ami sei husu ba  
FDCH atu  
suporta nafatin  
ami"**

"Kuñesimentu mak sai xave ba ema hotu-hotu, tantu servidores estadu nian hanesan servisu imigrasaun no mós ba públiku sira, no formasaun sira hanesan ne'e pelumenus bele hamenus ita nia *nível crime liuliu iha tráfico umanu*". Tenik Sr. Isménio Martins da Silva

Entretantu Diretór Jerál Servisu Imigrasaun Superendente Assistente Polisia Boavida Ribeiro, Lic.Dir. iha ninia intervensaun hato'o ninia agradementu ba FDCH tanba iha ona vontade di'ak atu servisu hamutuk ho Diresaun Jerál Servisu Imigrasaun hodi realiza

formasaun ne'e.

"Ami agradese ba FDCH tanba sempre apoiu Servisu Imigrasaun iha formasaun sira hanesan ne'e," tenik Diretór Jerál ne'e durante ninia intervensaun.

Entretantu iha serimónia enserramentu ba formasaun ne'e Koorde-nadór Gabinete do Gestão e Sistema de Informação (GAGESI) Sr. Henrique do Rosario ne'ebé representa Sekretáriu Ezekutivu FDCH husu ba formandu sira atu aplika matenek ne'ebé hetan durante formasaun ne'e ba iha sira nia servisu loron-loron nian.

"Buat ne'ebé ita boot sira hetan tiha ona se bele karik la'ós implementa de'it iha instituisaun nia laran mai-bé iha fatin hotu-hotu iha sosiedade nia leet, iha uma iha familia, tanba ita haree ba mundu ne'ebé global no mundu ne'e modernu tiha ona entaun *tráfiku umanu ne'e infiltra tama mai to'o Timor tanba de'it buat tolu ne'ebé la halai sees hosi ekonomia, sosiál no pengaruh lingkungan*," hateten Sr. Henrique do Rosario.

Atu prevene aktu tráfico umanu ne'e formasaun sira hanesan ne'e importante tebes hanesan aimoruk karik bele kura neineik no bele halo akompañamentu nune'e bele fó mós asisténsia ho di'ak liután ba vítima sira tráfico umanu nian.

FDCH prontu atu koopera no suporta nafatin ho ministériu hotu atu haree ba formasaun profisionál sira nune'e bele hasa'e liután kuñesimentu servidór estadu nian.

Adjunto Diretór Jerál Servisu Imigra-

saun Sr. Ricardo Moniz argradese ho apoiu no kooperasaun FDCH nian hodi realiza formasaun importante ne'e.

"Primeiru lugár ha'u hodi diretór jerál nia naran hato'o agradementu dala ida-tan ba FDCH, iha biban ida ne'e, *mezmu difisil ho situasaun orsamentu duodesimu nian ita konsege liu tiha situasaun ne'e hodi bele realiza formasaun tráfico umanu ne'e to'o iha nia rohan*," hateten Adjunto Diretór Jerál Servisu Imigrasaun

Entretantu Formandu Alfredo Abel husu ba FDCH atu kontinua nafatin apoiu formasaun sira hanesan ne'e nune'e funsionáriu sira bele iha kuñesimentu ne'ebé di'ak liu-tan.

"Ami agradese ba Fundo de Desenvolvimento do Capital Humano nian maske ho orsamentu ne'ebé limitadu mais ami konsege realiza duni ami nia treinamentu ne'e ho di'ak no susesu, ba oin ami sei iha kontinuasaun ami nia treinamentu husu ba Fundo de Desenvolvimento do Capital Humano atu suporta tan kontinuasaun ba treinamentu ne'e," hateten formandu ne'e.

Nia dehan matéria sira ne'ebé hetan durante formasaun ne'e sai ona hanesan mata dalan ba sira atu hala'o atividade loro loron iha sira ididak nia servisu fatin.

Formasaun ne'ebé hala'o durante loron haat (4) ne'e ninia formadór sira mai hosi Procurador Geral da República (PGR), Provedoria dos Direitos Humanos e Justica (PDHJ), United Nation Development Program (UNDP) no ONG ALFELA. (Media FDCH)





## ITC-ILO Turin, Italia fó Apoio Formasaun ba Timoroan na'in 5 iha área Tráballu Dignu

Akademia kona-ba “Trabalho Digno” sai hanesan tópiku importante ba forma-  
saun ne'ebé maka hala'o durante semana ida iha Cidade Turim, Itália, iha pavil-  
hão Piemonte, Centro Internacional de Formação-Organização Internacional  
de Trabalho nian.

**O**bjetivo prinsipál husi ak-  
ademia refere maka atu  
fahe pensamentu global  
no tendénsia ne'ebé resente liu ko-  
na-ba futuru traballu. Ho foku es-  
pecial husi Estados-Membros CPLP  
nian, academia ida ne'e hanesan  
mós oportunidade ida hodi analiza  
situasaun atual ho mudansa ne'ebé  
lalais liu iha merkadu traballu no  
diskute solusaun sira ba dezafius  
ne'ebé urgente liu.

Objetivo seluk husi academia ne  
nian maka reforsa lasu no rede ko-  
operaun no kolaborasaun entre  
Estados-Membros CPLP nian iha ám-  
bitu Kooperasaun Sul-Sul Triangular  
(CSST-sigla iha Português) liu husi  
koñesimentu ba instrumentus, me-  
kanismus no metodolojia ne'ebé per-  
miti lansamentu no implementasaun  
ba inisiativas no projetus CSST nian.

Akademia ida ne'e halao iha lian por-  
tuguês ho partisipasaun husi enti-

dades husi Governo, Sindicatos dos  
Trabalhadores no Entidade Empre-  
gadora ne'ebé mai husi nasaun CPLP,  
hanesan, Portugal, Cabo-Verde, Ango-  
la, Moçambique, S. Tomé e Príncipe,  
Brasil, Timor-Leste no Guiné Equitori-  
al.

Timor-Leste representa husi Fundo de  
Desenvolvimento do Capital Humano  
(FDCH) ho prezensa husi Sra. Leila Ma-  
ria Lay Carceres dos Santos, Coorde-  
nadora do Gabinete da Administração,



# **"Akademia ida ne'e hanesan mos oportunidade ida hodi analiza situasaun atual ho mudansa ne'ebe lalais liu iha merkadu traballu no diskute solusaun sira ba dezafius ne'ebe urgente liu".**

Finanças no Recursos Humanos Inter-nos (GAFRHI) Secretariado Técnico do FDCH no Sra. Estefânia Correia, Técnica Jurídica do ST-FDCH, Ministério Soliedariedade Social representa husi Sr. Nelson dos Santos, Chefe Departamento Segurança Social, Confederação dos Sindicatos de Timor-Leste (KSTL) representa husi Sr. José da Costa hanesan Delegado no Câmara do Comércio Indústria de Timor-Leste representa husi Sr. João Baptista Alves hanesan Vice-Presidente.

Durante loron lima nia laran partisipante sira partisipa iha sesaun ne'ebé hanaran aula magistrais em plenário, ho objetivo atu reflete ho forma inovadora, integrada no abrangente kona-ba tópicos no problemáticas ne'ebé atual relaciona ho agenda trabalho no mós objetivos desenvolvimento sustentável Nações Unidas nian.

Aula refere konta ho prezensa husi especialista intenacionais sira hanesan orador hodi fahe hanoin balun kona-ba tema ne'ebé maka determinado ona hanesan impacto tecnologia kona-ba

mundo trabalho no mós sistemas ba protesaun sosial, prosesus transiza-saun ba ekonomia verde no sustentavel liu no ikus liu mekanismus no políticas ba igualdade género.

Além de aula magistrais em plenário, iha mós sesaun ida ne'ebé hanaran seminário ne'ebé fahe ba parte dader no parte loraik no partisipante sira iha obrigasaun atu hili tema rua ne'ebé importante ba sira.

Tema hirak ne'e maka hanesan: Parte dader: Emprego jovem e os trabalhos do futuro; Direito ao Trabalho, Igualdade de Género e não discriminação; no promoção de empresas sustentáveis e solidárias.

Parte loraik, ho seminário maka hanesan: proteção social e a criação de postos de trabalho estáveis e de qualidade desafios e opções políticas; formação profissional para promover a empregabilidade e a inserção dos jovens no mercado de trabalho; no como dar respostas aos desafios da formalização da economia num mer-

cado do trabalho em transição.

Partisipante sira partisipa ho forma ativa liu husi diskusaun grupu ne'ebé maka halao durante seminário.

Além sesaun rua ne'ebé menciona, kada grupo husi seminário ne'ebé iha, halo mós diskusaun hodi define projetu ba Cooperação Sul-Sul e Triangular (CSST). Partisipante sira obrigadu atu apresenta naran husi projetu refere inklui modalidade cooperação saida maka sei utiliza, objetivu, instituisaun patrocinadora, nasaun ne'ebé maka sei hola parte ba projetu ne'ebé iha no husi Instituisaun saida, liga mós ho objetivos desenvolvimento sustentável no duração ba realização projeto.

Akademia ida ne'e remata ho fahe sertifikadu ba partisipante idak-idak.

Entretantu formasaun ba timoran sira ne'e nudar kontinuasaun hosi kooperasaun ne'ebé estabelese ona iha inisiu tinan 2018. (Media FDCH)



fontes ba foto <https://yokosoeropa.com>

## REVISTA:

# Universidade 10 ne'ebé di'ak liu iha Europa

**T**uir publikasaun Times Higher Education World University Rankings iha tinan 2018, iha Europa continental iha universidade 10 mak tama iha lista ne'ebé okupa kualidade di'ak liu iha mundu. Tuir publikasaun ne'ebé redasaun sita hodi publika iha trimestre ne'e mak universidade 10, maske nune'e iha universidade barak iha Europa ne'ebé konsege lori Europa okupa klasifikasaun aas nu'udar universidade ne'ebé ho kualidade di'ak liu iha mundu. Tuir mai universidade sira ne'ebé okupa klasifikasaun di'ak liu iha Kontinente Europa nian.

### 1. University of Oxford



foto fontes google

University of Oxford lokaliza iha Inglatera, universidade ne'e okupa ranking primeiru nu'udar universidade ne'ebé ho kualidade di'ak liu iha mundu tuir versaun Times Higher Education

World University Rankings tinan 2018.

University of Oxford konsidera mós nu'udar universidade primeiru ne'ebé antigu liu iha Reinu Unidu no segundu universidade ne'ebé antigu liu iha mundu.

University of Oxford prodús ona figura-figura importante sira ne'ebé koñesidu iha mundu hanesan Stephen Hawking, Richard Dawkins, Bill Clinton, Indira

Gandhi, no seluk-seluk tan.

Ohin lora estudante universitariu ne'ebé ativu hala'o hela sira nia estudu iha University of Oxford hamutuk 22.000.



foto fontes google



2. **University of Cambridge**  
**University of Cambridge** nu'udar universidade antigu daruak iha nasaun Inglaterra no nu'udar mós universidade antigu dahaat iha mundu.

Tuir istória University of Cambridge harii ka funda iha tinan 1209, Universidade ne'e ho sus-esu okupa klasifikasaun daruak nu'udar universidade ne'ebé ho **kualidade di'ak liu iha mundu** iha tinan 2018 tuir versaun Times Higher Education World University Rankings.

**Ohin loron estudante universitário** 18.000 mak hala'o hela sira **ninia estudu iha universidade** ne'e, **entretantu hosi número ne'ebé mensiona iha leten estudante** 4.000 nu'udar estudante estranjeiru ne'ebé mai nasaun 120 iha mundu.

### 3. **Imperial College London**



foto fontes google

**Imperial College London** nu'udar universidade datolu iha rai Inglaterra ne'ebé tama mós iha universidade sanulu ne'ebé ho **kualidade di'ak liu iha mundu** no okupa **número datolu nu'udar universidade ne'ebé ho ninia kualidade di'ak liu iha kontinente Europa**.

**Imperial College London** okupa klasifikasaun ka ranking dauvalu nu'udar universidade ne'ebé ho

**kualidade di'ak liu iha mundu** versaun Times Higher Education World University Rankings.

**Imperial College London** foku liu ba fakuldade sira hanesan Siénsia, Medisina, Negósiu no engenharia.



foto fontes google

### 4. **ETH Zurich-Swiss Federal**

**Institute of Technology Zurich**  
**ETH Zurich-Swiss Federal Institute of Technology Zurich** ohin **loron kategoria nu'udar universidade** ne'ebé okupa klasifikasaun sanulu (10) nu'udar universidade ho **kualidade di'ak liu iha mundu** no **universidade ne'e nu'udar universidade úniku** hosi nasaun Suíça ne'ebé tama iha lista universidade 10 ne'ebé ho **nia kualidade di'ak liu** tuir versaun Times Higher Education World University Rankings.

**ETH Zurich-Swiss Federal Institute of Technology Zurich** harii iha tinan 1855, universidade ne'e **hamosu ona matenek na'in** sira kuaze 20 resin ne'ebé nu'udar mós manán na'in ba nobel inklui **Albert Einstein** aman ba **fízika modernu no inventor ba teoria relatividade jerál**.

### 5. **UCL-University College London**



foto fontes google

**University College London (UCL)** nu'udar universidade dahaat iha Inglaterra ne'ebé tama mós iha lista 20 nu'udar universidade ne'ebé ho **kualidade di'ak liu iha mundu** bainhira okupa ranking 16. UCL harii iha tinan 1826, Universidade ne'e konsidera mós **hanesan universidade primeiru** ne'ebé loke nia ramu (cabang) iha Doha, Qatar.

UCL iha fakuldade 11 hanesan, Artes e Humanidades, Tékniku, Instituto da Educação, Direitu, Siénsia, Siénsia da Saúde no seluk-seluk tan.

### 6 **London School of Economics and Political Science**



**London School of Economics and Political Science** okupa ranking 25 nu'udar universidade ne'ebé di'ak liu iha mundu tuir Times Higher Education World University Rankings.

**Universidade ne'e lokaliza iha Londres, Inglaterra**. **London School of Economics and Political Science** harii iha tinan 800 hosi **Fabian Society Beatrice, Sidney Webb, Graham Wallas** no **George Bernard Shaw**. Ohin



loron rejistu entudante universitariu 9.600 ne'ebé hala'o sira nia estudu iha London School of Economics and Political Science.

#### 7. University of Edinburgh



University of Edinburgh harii iha tinan 1583, universidade ne'e sai nu'udar universidade antigu daneen iha mundu ne'ebé lokaliza iha Eskotlandia.

University of Edinburgh okupa klasifikasaun 27 nu'udar universidade di'ak liu iha mundu no hamosu ona figura importante sira ne'ebé koñesidu iha mundu hanesan Charles Darwin, Alexander Graham Bell, no sei iha tan sira seluk.

Kada tinan universidade ne'e simu estudante 60.000 tanba ne'e University of Edinburgh nu'udar universidade ne'ebé popular daruak .

#### 8. LMU Munich



LMU Munich okupa ranking

34nu'udar universidade ho kualidade di'ak liu iha mundu tinan 2018, universidade ne'e harii iha tinan 1472. LMU Munich iha nia fakuldade 18 no foku liu ba iha área peskiza.ohin loron estudante universitariu hamutuk 36.091 mak hala'o hela sira nia estudu iha universidade ne'e.

#### 9. King's College London




King's College London okupa ranking 36 nu'udar universidade ne'ebé ho kualidade di'ak liu iha mundu.

King's College London nu'udar universidade proeminante iha mundu.

Ohin loron estudante universitariu 30.000 hosi nasaun 150 mak hala'o hela sira nia estudu iha King's College London.

#### 10. Ecole Polytechnique Federale de Lausanne



Ecole Polytechnique Federale de Lausanne okupa ranking 38

nu'udar 'os universidade ne'ebé ho kualidade di'ak liu iha mundu.

Ecole Polytechnique Federale de Lausanne ho ninia fakuldade 6 no estudante universitariu ne'ebé hala'o sira nia estudu ohin loron 9.928ne'ebé mai hosi nasaun oin –oin iha mundu.

Universidade ne'e nu'udar universidade daruak hosi nasaun Suiça ne'ebé tama iha lista 50 nu'udar universidade ne'ebé kualidade di'ak mós iha mundu tuir versaun Times Higher Education World University Rankings.

**"Iha Kontinente Europa iha universidade 10 mak tama iha lista ne'ebe okupa kualidade di'ak liu iha mundu. Maske nune'e iha universidade barak iha Europa ne'ebe konsege lori Europa okupa klasifikasaun aas nu'udar universidade ne'ebe ho kualidade di'ak liu iha mundu".**



Sekretáriu Ezekutivu FDCH Sr. Isménio Martins da Silva akompañadu hosi koordeandor GAPPEFIV Sr. Filomeno dos Santos no Xefe Departamentu DERHI Sr. Virgilio Ramos halo enkontru ho Bolseirus Graduadus iha area Pilotu nian, 22/06/2018.



Koordenadora GAFHRI-FDCH Sra. Leila Carceres ho Jusrista FDCH Sra. Estefania Correia da Silva partispa iha akademzia trabalho digno neebé oferese hosi ITC-ILO iha Turin Italia.



Eis bolseiru Pilotu na'in 5 neebé hetan bolsa estudu FDCH liuhosi Ministeriu Edukasaun hasoru malu ho Sekretáriu Ezekutivu FDCH Sr. Isménio Martins da Silva, 22/06/2018.



Koordenadora GAFHRI-FDCH Sra. Leila Carceres ho Jusrista FDCH Sra. Estefania Correia da Silva partispa iha akademzia trabalho digno neebé oferese hosi ITC-ILO iha Turin Italia.




Eis bolseiru pilotu na'in 5 husu apoiu kontinuasaun ba tratamentu serti kadu lori aviaun molok servisu iha area aviasaun nian iha Timor-Leste, 22/06/2018.



Academzia sobre o Trabalho Digno

Koordenadora GAFHRI-FDCH Sra. Leila Carceres ho Jusrista FDCH Sra. Estefania Correia da Silva partispa iha akademzia trabalho digno neebé oferese hosi ITC-ILO iha Turin Italia.





Sekretáriu Ezekutivu FDCH Sr. Isménio Martins da Silva, ható'o nia diskursu iha serimónia abertura ba formasaun M&E neebé partisipa hosi Kargu koordinadores no xefe departamentu FDCH. 14/05/2018



Sekretáriu Ezekutivu FDCH Sr. Isménio Martins da Silva realiza enkontru ida ho Reitor UNTL Reitor UNTL Prof. Dr. Francisco Miguel Martins , hodi koalía konaba asustus bolseirus ativu UNTL nian 25/06/2018



Koordeandor no xefe Departamentu FDCH tuir formasaun M&E neebé ninia formador mai hosi Landi Institut Bali, 14/05/2018



Reitor UNTL Prof. Dr. Francisco Miguel Martins haktuir progresu estudu bolseiru sira neebé nansia hosi FDCH. 25/06/2018




Sesaun foto hamutuk Sekretáriu Ezekutivu FDCH Sr. Isménio Martins da Silva ho formador sira hosi Landi Institute no funsionariu sira FDCH nian neebé tuir formasaun. 27/04/2018



Sekretáriu Ezekutivu FDCH Sr. Isménio Martins da Silva realiza enkontru ida ho Reitor UNTL Reitor UNTL Prof. Dr. Francisco Miguel Martins , 25/06/2018





Adjuntu Embaixadora Nova Zelandia Sra. Gabrielle Isack hasoru malu ho Sekretáriu Ezekutivu FDCH Sr. Isménio Martins da Silva hodi husu dadus RU Timor-leste nian durante nee, 13/04/2018



Sekretáriu Ezekutivu FDCH, Sr. Isménio Martins da Silva entrega serti akdu ba Diplomata nivel médiu hafoin remata tiha formasaun. 01/6/2018



Sekretáriu Ezekutivu FDCH Sr. Isménio Martins da Silva entrega livru LDRH ba adjuntu embaixadora Nova Zelandia Sra. Gabrielle Isack hafoin enkontru, 13/04/2018




Sesaun foto hamutuk formador ba formasaun Sra. Dinna Wisnu ho Diplomata nivel médiu hafoin simu serti kadu. 01/06/2018



Sesaun foto hamutuk Sekretáriu Ezekutivu FDCH akompaña mós hosi, Asosora FDCH, koordenador no xefe departamentu balun ho adjuntu embaixadora Nova Zelandia Sra Gabrielle Isack, 13/04/2018



Sesaun foto hamutuk Dirijente MNEC- FDCH no formador ho Diplomata nivel médiu sira hafoin abertura ba formasaun, 28/5/2018



Sekretáriu Ezekutivu FDCH, Sr. Isménio Martins da Silva tau deviza ba Polísia Imigrasaun bainhira halo abertura ba formasaun preven-saun trá ku umanu no oinsa atu fó asisténsia ba vítima trá ku umanu, 2/04/2018.



Pilotu timoroan sira neebé nu'udar bene siariu FDCH partisipa iha serimónia lansamentu aviaun patrullamentu aero F-FDTL. 25/05/2018



Sesaun foto hamutuk partisipante sira iha formasaun preven-saun trá ku umanu no oinsa atu fó asisténsia ba vítima trá ku umanu ha-foin remata tiha formasaun. 7/04/2018



Koordenador GAGESI -FDCH Sr. Henrique do Rosario partisipa iha serimonia lansamentu aviaun patrullamentu aero F-FDTL. 25/05/2018




Sesaun foto hamutuk partisipante sira iha formasaun preven-saun trá ku umanu no oinsa atu fó asisténsia ba vítima trá ku umanu ho dirijente no konvidadus sira iha serimonia abertura ba formasaun. 2/04/2018.



Primeiru Ministru VII Governu Dr. Mari Alkatiri no Ministru Defeze Sr. Jose Agostino Sequera "Somotxo" bainhira partisipa iha serimonia lansamentu aviaun patrullamentu aero F-FDTL . 25/05/2018





Sekretariu Ezekeutivu FDCH Sr. Isménio Martins da Silva akompañá hosi koordinador GAPLO Sr. Eugebio Barreto no xefe DEMEREP Sr. Antonio Febu halo enkontru ho Diretór Kompañia Telkomcel hodi ekstende kontratu forneshimentu internet ba ST-FDCH, 07/06/2018.



Partisipante sira iha serimónia enseramentu ba kursu lian Indoneziu etapa primeiru Janeiru-Juñu neebé realiza hosi Embaixada Indonezia iha TL ba timoroan sira.30/5/2018.



Sekretariu Ezekeutivu FDCH, Isménio Martins da Silva ho Diretór kompañia telekomunikasaun Telkomcel hatudu kontratu neebé parte rua asina hodi fornese internet ba ST-FDCH, 07/06/2018.



Partisipante sira iha serimonia enseramentu ba kursu lian indoneziu etapa primeiru Janeiru-Juñu neebé realiza hosi Embaixada Indonezia iha TL ba timoroan sira.30/5/2018




Sesaun foto hamutuk Sekretariu Ezekeutivu FDCH, Isménio Martins akompañá hosi koordeandor GAPLO, GAGESI no xefe DEMEREP ho Diretór kompañia telekomunikasaun Telkomsel hafoin estabelese tiha kontratu kooperasaun serbisu, 07/06/2018.



Sekretariu Ezekeutivu FDCH Sr. Ismenio Martins da Silva partisipa iha serimonia enseramentu ba kursu lian Indoneziu etapa primeiru Janeiru-Juñu neebé realiza hosi Embaixada Indonezia iha TL ba timoroan sira.30/5/2018





Sekretáriu Ezekutivu FDCH Sr. Isménio Martins da Silva ható nia diskursu iha serimónia abertura ba formasaun wordpress blogging ba timoroan neebé realiza hosi Embaixada Indonesia iha TL , 24/05/2018.



Sekretáriu Ezekutivu FDCH Sr. Isménio Martins da Silva realiza enkontru ida ho Diretor INAP Sr. Agostinho Letencio neebé akompaña mos hosi parseiru INAP nian hosi Indonesia neebé durante nee fornese formasaun ba funsinariu sira, 12/06/2018.



Timoroan sira partisipa iha formasaun wordpress blogging neebé realiza hosi Embaixada Indonesia iha Timor-Leste , 24/05/2018 .




Sekretáriu Ezekutivu FDCH Sr. Isménio Martins da Silva realiza enkontru ida ho Diretor INAP Sr. Agostinho Letencio neebé akompaña mos hosi parseiru INAP nian hosi Indonesia neebé durante nee fornese formasaun ba funsinariu sira, 12/06/2018.



Sesaun foto hamutuk partisipante sira iha formasaun wordpress blogging ho Sekretáriu Ezekutivu FDCH Sr. Isménio Martins da Silva, Embaixador Indonesia ba TL no bainaka importante sira. 24/05/2018.



Sekretáriu Ezekutivu FDCH Sr. Isménio Martins da Silva realiza enkontru ida ho Diretor INAP Sr. Agostinho Letencio neebé akompaña mos hosi parseiru INAP nian hosi Indonesia neebé durante nee fornese formasaun ba funsinariu sira. 12/06/2018.



Koordeandor GAPPEFIV - FDCH Sr. Filomeno dos Santos Lay akompañá mos hosi Xefe Departamentu DEPPEFIV hala'enkontru hodi veri ka dokumentu formasaun hosi INFORDEPE. 27/06/2018.



Reprezentante ILO - Hasoru Sekretariu Ezekutivu FDCH hodi diskuti kona-ba kontinuasaun kooperasaun servisu iha futuru. 29/06/2018.



Koordeandor GAPPEFIV - FDCH Sr. Filomeno dos Santos Lay akompañá mos hosi Xefe Departamentu DEPPEFIV hala'o'enkontru hodi veri ka dokumentu formasaun hosi INFORDEPE. 27/06/2018.



Reprezentante ILO - Hasoru Sekretariu Ezekutivu FDCH hodi diskuti kona-ba kontinuasaun kooperasaun servisu iha futuru. 29/06/2018.




Koordeandor GAPPEFIV - FDCH Sr. Filomeno dos Santos Lay akompañá mos hosi Xefe Departamentu DEPPEFIV hala'o'enkontru hodi veri ka dokumentu formasaun hosi INFORDEPE. 27/06/2018.



Reprezentante ILO - Hasoru Sekretariu Ezekutivu FDCH hodi diskuti kona-ba kontinuasaun kooperasaun servisu iha futuru. 29/06/2018.





Sekretáriu Ezekutivu FDCH, Sr. Isménio Martins da Silva sai hane-san orador ba semináriu ho topiku “Policy-Making in Education and training for Timor-Leste’s Development” neebé organiza hosi alumni Victoria University Melbourne Australia, 25/04/2018.



Orador no partisipante sira neebé participa iha seminariu ho topiku; “Policy-Making in Education and training for Timor-Leste’s Development” neebé realiza iha Páteo Plaza Colmera, 25/04/2018.



Sekretáriu Ezekutivu FDCH, Sr. Isménio Martins da Silva sai hane-san orador ba seminariu ho topiku “Policy-Making in Education and training for Timor-Leste’s Development” neebé organiza hosi alumni Victoria University Melbourne Australia, 25/04/2018.



Ekpa elaborador mata-dalan Monitorizasaun no Avaliasaun halo apresentasaun formatu ezbosu monitorizasaun no avaliasaun FDCH nian, 29/06/2018 .




Ekpa elaborador mata-dalan Monitorizasaun no Avaliasaun halo apresentasaun formatu ezbosu monitorizasaun no avaliasaun FDCH nian, 29/06/2018.



Ekpa elaborador mata-dalan Monitorizasaun no Avaliasaun halo apresentasaun formatu ezbosu monitorizasaun no avaliasaun FDCH nian, 29/06/2018.





Estajiáriu hosi Universidade da Paz tara tais nu'udar jestu apresiasaun ba Sekretáriu Ezeutivu FDCH Sr. Isménio Martins da Silva hafoin remata sira nia estaji durante fulan ida iha ST-FDCH, 23/05/2018.



Sekretáriu Ezeutivu FDCH Sr. Isménio Martins da Silva entrega serkadu ba estajiáriu ida hosi Universidade da paz bainhira remata tiha estaji iha ST-FDCH, 23/05/2018.



Sesaun foto hamutuk Sekretáriu Ezeutivu FDCH Sr. Isménio Martins da Silva akompaña mos hosi koordinadores loron xefe Departamentu sira ST-FDCH ho estajiáriu sira, 23/05/2018.



Bolseiru FDCH iha ITS Surabaya partisipa iha eventu torneu futsal neebé realiza hosi uniaun estudante Timor-Leste Surabaya hodi komemora loron Restauraun Independensia Timor-leste ba dala XVI.



Bolseiru FDCH estudu iha ITS Surabaya partisipa iha eventu torneu futsal neebé realiza hosi Uniaun Estudante Timor-Leste Surabaya hodi komemora loron Restauraun Independensia Timor-Leste ba dala XVI.



Bolseiru FDCH iha ITS Surabaya partisipa iha eventu torneu futsal neebé realiza hosi Uniaun Estudante Timor-Leste Surabaya hodi komemora loron Restauraun Independensia Timor-Leste ba dala XVI.

# PERFIL FDCH



## 1. KONA-BA FDCH (FUNDO DE DESENVOLVIMENTO DO CAPITAL HUMANO)

### 1.1. Estabelesimentu

**Fundo de Desenvolvimento do Capital Humano (FDCH)** hari'i tuir Lei Parlamentu, ne'ebé halo aprovasaun ba Orsamentu Jeral Estadu (OJE) ho no 1/2011 iha 14 FEVEREIRU 2011, husi artigu 70 to'o artigu 90 no mós termu previstu iha artigu 320 husi Lei Parlamentu no 13/2009, 21 OUTUBRU 2011, ne'ebé koalía kona-ba instrumentu atu konsentra hotu kompetênsias hodi determina, **financia no implementa política tomak governu nian ligadu ba desenvolvimento kualifikasaun, formasaun no kapasitasaun ba rekursu ka kapital umanu iha Timor-Leste.**

### 1.2. Baze Legal

**FDCH mos regulamentadu bazeia ba Dereitu-Lei no 12/2011, 23 MARSU, alteradu no repúblikadu ho Dekretu-Lei (DL) nº 11/2015, 03 JUÑU (iha dokumentu ne'e sei refere barak liu ba DL ne'e) no mós regula iha Diploma Ministerial no 9/2011, 13 ABRIL, ne'ebé aprova "Regimento Interno no Procedimentos ba execução do Conselho de Administração do Fundo de Desenvolvimento do Capital Humano (CA- FDCH)", hanesan entidade ne'ebé responsavel ba jestaun no administrasaun ba fundu ne'e.**

Conselho de Administração do FDCH (Konsellu Administrasaun FDCH) hetan apoiu husi Sekretariadu Tékniku ida, ne'ebé dezempeña servisu especializada atu halo koorde-nasaun téknika ho orgaun governu ne'ebé iha nesesidade atu desenvolve programas no projetus ba desenvolvimento

tu kapital umanu tuir área kompetensia ida-idak nian (DL artigo 6º).

### 1.3. Objetivu

**Objetivu jeral ba estabelesimentu fundu nian mak: "atu desenvolve planu rekursu umanu nasional hodi apoia ba desenvolvimento nasional iha área oi-oin, mellora di'ak liutan planu, jestaun no implementasaun programa nomós garante lalaok programa ho ninia ezekusaun orsamentu públiku ne'ebé transparente ho despeza governu nian relas-iona ho kustus ba formasaun, bolsa-estudu no programa ba desenvolvimento rekursu umanu iha Timor-Leste".**

Espesifikamente, haktuir artigu 2 ba Dekretu Lei FDCH nian nebe temi ona iha leten, estabelesimentu Fun-do Desenvolvimento do Capital Humano iha ninia objetivu hodi hari'i hanesan mos atu:

- Asegura jestaun finanseiru ba investimentu públiku iha área formasaun no desenvolvimento rekursu umanu nasional;
- Garantia seguransa ba negosiasaun, assinatura ba akordu no projektu sira plurianuais;
- Mantein verbas orsamentu ne'ebé prevé ba FDCH iha final tinan fiskal ho objetivu atu garantia continuidade programa no projektu formasaun;
- Promóve transparênsia no responsabilidade liuhusi me-kanismu no prosidimentu Relatório no prestasaun ser-visu sobre prosesu ezekusaun programa formasaun no projektu desenvolvimento kapital umanu.



#### 1.4. Funsau Jeral

**Sekretáriadu FDCH iha funsau jeral, atu :**

1. Koordena planu dezvoltamentu rekursu umanu iha Timor-Leste, implementasaun no ezekusaun orsamentu FDCH nian;
2. Avalia rezultadu atividades formasaun no bolsa-estudu;
3. Koordena ho parseiru hot-hotu ba kualidade.

#### 1.5. Estrutura

**Bazeia ba artigo 3 husi Dekretu Lei, Konsellu Administrasaun FDCH kompostu husi:**

- Ministru Planeamentu no Investimentu Estratéjiku (MPIE), nudar Prezidente ne'ebé maka lidera;
- Ministru Finansa, nudar Membre Permanente;
- Ministru Edukasaun, nudar Membre Permanente;
- Ministru Justisa, nudar Membre Permanente;
- Ministru Petroliu no Rekursu Minerais, nudar Membre Permanente; no
- Sekretário Estado ba Política Formasaun Profesional no Emprego (SEPFOPE), nudar Membre Permanente.

#### 2. JESTAUN BA FDCH

##### 2.1. Konsellu Administrasaun FDCH:

**Konsellu Administrasaun mak orgaun ne'ebé halo desizaun iha Sekretáriadu FDCH. Papél konsellu nian mak atu fó konsellu ba política, aprovasaun no dirasaun kona-ba dezvoltamentu rekursu umanu iha Timor-Leste nomós programa FDCH no projetu sira iha Timor-Leste. Konsellu ne'e iha mos responsabilidade jeral ba jestaun FDCH. Espesíficamente, Konsellu Administrasaun iha mandatu tuir artigo 4, Dekretu Lei mak hanesan:**

- Aprova no prioretiza projetu sira ne'ebé finansia husi Fundu no sira nia kustu estimadu;
- Aprova opsaun finanseiru ba kada projetu dezvoltamentu Kapital Umanu;
- Koordena preparasaun no aprova proposta orsamentu husi Fundu, hodi bele submete ba Komisaun Revizaun Orsamental;
- Permite pagamentu hodi bele prosesa liuhusi Fundu;
- Aprovasaun ba Relatóriu Atividade no Relatóriu Auditoria Fundu nian;
- Atu difine prosidimentu ba aprovasaun no revizaun hodi aprova Regulamentu Interna no Estrutura Funzionáriu, hodi bele submete ba Konsellu;
- Atu implementa poder disciplinari hanesan estipula iha Regulamentu Interna;
- Atu aprova Planu Asaun Anual;
- Atu aseguja jestaun orsamentu anual Sekretáriadu FDCH, tuir prinsipiu transparansia no efisiensia;
- Atu aseguja funsionamentu di'ak no manutensaun ba Sekretáriadu FDCH, liuhusi jestaun ida ne'ebé bazeia ba Regulamentu Interna, Planu Asaun Anual no orsamentu;
- Atu supervisiona administrasaun ba orsamentu anual

- no planu asaun anual, submete regular kada relatóriu;
- Atu aprova orsamentu anual no relatóriu atividade.

##### 2.2. Enkontru Konsellu Administrasaun FDCH:

**Bazeia ba artigo 30 Dekretu-Lei no 09/2011, 13 Abril, kona-ba regra enkontru Konsellu nian hanesan tuir mai ne'e:**

- Konsellu Administrasaun baibain hala'o enkontru iha Tersa-feira semana daruak kada fulan.
- Enkontru Konsellu Administrasaun realiza iha sala-enkontru Ministeriu nian, iha Dili.
- Prezidente Konsellu bele determina enkontru Konsellu Administrasaun nian iha kualker fatin seluk iha teritoriu nasional.
- Alterasaun ba data enkontru nian bele akontese iha tempu saida deit ba rajaun ne'ebé justifikadu, Ministru/Prezidente CA-FDCH maka determina.
- Alterasaun ne'ebé temi iha numeru anterior labele impede fali realizasaun enkontru mensal Konsellu Administrasaun nian.
- Konsellu Administrasaun bele enkontru extra-ordinariamente bainhira konvokadu husi Primeiru Ministru ou, iha auzensia ou iha impedimentu, husi Ministru ne'ebé substitui, ho autorizasaun previa husi Primeiru Ministru.
- Enkontru extra-ordinaria sira Konsellu Administrasaun nian aplika ho adaptasaun apropiadu, tuir dispostu iha diploma ne'e.

##### 2.3. Estrutura Orgânica Sekretáriadu Tékniku FDCH nian.

**Estrutura Orgânica Sekretáriadu FDCH kompostu husi estrutura tuir mai ne'ebé apresenta no aprova husi CA-FDCH iha 24 de Abril 2017:**

- Sekretáriu Ezekutivu – Lider masimu iha Sekretáriadu FDCH
- Gabinete ba Administrasaun no Rekursu Umanu Interna (GARHI)
- Gabinete ba Planu, Peskiza, Fiskalizasaun no Verifikasaun (GAPPEFIV)
- Gabinete ba Servisu Pagamentu (GASEPA)
- Gabinete ba Aprovisionamentu no Lojística (GAPLO)
- Gabinete Gestaun ba Sistema Informasaun (GAGESI)

##### 2.4. Papél Sekretáriu Tékniku FDCH nian

**Iha artigo 6, Dekretu-Lei Fundu nian hateten katak "Apoiú Tékniku no Administrativu" sekretáriadu nian mak atu kumpri ninia obrigasaun no responsabilidade, Konsellu ne'e hetan apoiu husi Sekretáriadu Tékniku FDCH, tutela ba Ministeriu Planeamentu no Investimentu Estratéjiku (MPIE).**

**Nomós iha artigo 7 – 10, Diploma Ministerial no 09/2011, 13 Abril, deskreve mandatu Sekretáriadu Tékniku nian hanesan tuir mai ne'e:**



a) Sekretáriadu Tékniku ba Dezenvolvimentu Kapital Umanu estabese bazeia ba Dekretu-Lei 12/2011, 23 Marsu no kompetente ba Konsellu Administrasaun, ba koordena-saun téknika, akompañamentu, koordena-saun ba avalia-saun no monitorizasaun ba projetu sira hotu no programa forma-saun no kualifikasaun kapital umanu ne'ebé imple-menta husi Fundu.

b) Nesesariu ba Sekretáriadu Tékniku ba Dezenvolvimentu Kapital Umanu hodi fó asesoria téknika ba Konsellu Ad-ministrasaun kona-ba relevansia husi projetu sira ne'ebé atu dezenvolve no bazeia ba nesesidade implementasaun nian.

### 3. PROSESU NO MANDATU

#### 3.1. Prosesu Submisaun Projetu iha FDCH

Iha artigu 8º husi Diploma Ministerial no 09/2011, koalia kona ba prosesu submete dokumentu projetu sira ba FDCH, hanesan tuir mai ne'e:

- Kompetênsia Ministériu sira no orgaun Governu nian sira seluk hodi submete projetu sira ba Sekretáriadu Tékniku hodi bele hetan konsiderasaun husi Konsellu Administrasaun;
- Sekretáriadu Tékniku maka responsavel hodi koorde-na ba halibur projetu sira ne'ebé propoin husi orgaun Governu nian, hodi bele submete ba hetan apresiasaun husi Konsellu Administrasaun, nune'e mós kona-ba implementasaun programa foun no projetu sira ne'e aprovalu husi Konsellu Administrasaun.
- Projetus sira ne'ebé submete ba Sekretáriadu minimu loron 10 antes enkontru tuirmai Konsellu Administra-saun nian.

Artigu 9º - Dokumentu sira ne'ebé akompaña projetus:

Projetu sira ne'ebé atu submete ba Sekretáriadu Tékniku ba Dezenvolvimentu Kapital Umanu ka ne'ebé dezenvolve hela, tenki akompaña ho dokumentasaun téknika sira liuliu hanesan informa-saun tuirmai ne'e:

- Objektivu estratéjiku ba projetu;
- Parte ne'ebé envolve;
- Benefisiariu diretu;
- Fatin projetu;
- Durasau;
- Kustu;
- Relevansia projetu;
- Espesifikasaun importante liu ba projetu;
- Nesesidade implementasaun;
- Impaktu ka efeitu husi projetu;
- Adekuasaun ba Programa Governu no kuadru legal at-ual.

Aprovalu iha aneksu diploma, ne'ebé sai hanesan parte integral ne'e maka pakote formulariu sira no sumariu ba deskrisaun projetu sira, inklui mos iha dokumentu tékniku hodi submete ba Konsellu Administrasaun.

Artigu 10º - Elaborasaun no apresiasaun preliminaru ba projetu:

Kompetensia Sekretáriadu Tékniku ba Dezenvolvimentu Kapital Umanu ba apresiasaun preliminaru kona-ba pro-jetu sira maka submete ona, ne'ebé depende ba ninia kazu:

- Determina hodi haruka fila-fali ba Ministeriu propo-nente, karik seidauk kumpri rekeztu sira no formal-idade sira maka prevista iha diploma ne'e no seidauk haree forma ou dokumentu adekua-du ne'ebé hatu'o;
- Hatu'o ba Prezidente Konsellu Administrasaun ita nia ajenda.

Kompetensia Sekretáriadu Tékniku ba Dezenvolvimentu Kapital Umanu mos kona-ba dezeña projetu sira ne'ebé di-finidu iha Konsellu Administrasaun, nomós preparasaun ba proposta projetu sira ne'ebé konsidera relevante.

Sirkulasaun entre membru sira iha Konsellu Administra-saun ba projetu ne'ebé mak atu avalia, akontese loron 3 molok enkontru Konsellu Administrasaun nian.

#### 3.2. Mandatu Sekretáriu Ezekutivu FDCH

Mandatu no papel Sekretáriu Ezekutivu FDCH nian, hakerek iha Capitulo I, Artigu 3º iha Diploma Minis-terial no 19/2017, 03 de Maio 2017, kona-ba kompetênsia atu jere no tau matan ST-FDCH iha ninia funksionamentu lor-loron.

Aleinde ida-ne'e, Sekretáriu Ezekutivu Fundu nian hetan mos mandatu no póder husi Konsellu Administra-saun liuhusi DESPAXU n.º 1 /CA - FDCH/II/16, DELEGA-SAUN KOMPETENSIA atu bele iha responsavel masimu reprezenta Konsellu atu:

- Dirije no orienta jestaun diária ba FDCH, liuliu despaxu ba arkivu no korrespondênsia ne'ebé tama, no asinatu-ra ba karta ofisial sira mak haruka ba orgaun no servisu sira tutela ba FDCH ka entidade nasionais públuku no privadu;
- Jestaun no administrasaun ba rekursu patrimoni-u ne'ebé mak atribui ba FDCH, tuir lei ne'ebé vigóra;
- Jestaun no administrasaun rekursu umanu ne'ebé mak atribui ba FDCH;
- Hala'o prosidementu sira tuir lei aprovizionamentu, li-uli-loke no adjudikasaun, nomós asina kada kontratu presta-saun servisu relasiona ho apoiu tékniku husi FDCH, to'o montante masimu ne'ebé permite tuir lei ba Ministru ida;

- **Hala'o prosedimentu sira tuir lei aprovisionamentu, li-uli loke no adjudikasaun, nomós asina kada kontratu, relasiona ho fornimentu sasan, prestasaun servisu ka ezekusaun ba obra FDCH nian, to'o montante masimu ne'ebé permite tuir lei ba Ministru ida;**
- **Autoriza despeza/gastus ba orsamentu FDCH nian, hanesan responsavel masimu ba servisu, bele nomea responsavel balun hodi autoriza asinatura ofisial ba Formuláriu Kompromisiu ba Pagamentu (FCP/CPV), Orden ba Sosa (OC/PO), Pedidu no Orden ba Pagamentu (POP/PRT), nomós responsavel ba iha área administrasaun, área finansa, área lojistika, nomós ofisiais sertifikasaun no autorizasaun iha Fundu, kuandu nesesariu;**
- **Aprova pedidu sira adiantamente no presiza hari'i prestasaun serbisu, nune'e mos verifika kada relatóriu;**
- **h) Aprova viajen asesor sira nian ou funsionáriu sira iha FDCH;**
- **Valida Planu Anual, Planu Aprovisionamentu no Planu Ezekeusaun Orsamentu;**
- **Valida Relatóriu progresu orsamentu no Relatóriu Anual Preliminariu.**

### 3.3.Rekursu Finanseira FDCH nian

**Fonte orsamentu FDCH nian mai husi dotasoens estadu ninian nebé hakerek iha livru orsamentu número 6 (Livro no 6) hodi deskreve programas prinsipais ba dezvoltamentu rekursus umanus nia iha Timor-Leste, liu-liu fahe ba programas ha'at (4), ma'ak hanesan:**

#### 3.3.1.Programa Formasaun Profissional (Kodígu Programa 810)

Maioria orsamentu ba programa ne'e, sei finanzia ba atividades formasaun profissional iha Centro de Formasaun ne'ebé SEPFOPE (Secretária do Estado da Política de Formação Profissional e Emprego) halo konta ka tau-matan ba, inklui mos programa Liñas Ministeriais (LM) sira seluk ne'ebé konsentra ba formasaun funsionáriu ka empregadu sira nebé hasa'e kualifikasaun bada'en ka skills **iha área enjiñeria no sira seluk tan tuir padraun iha QQTL (Quadramento Qualificação de Timor-Leste) ka iha lian inglês ma' ak NQF (National Qualifications' Framework – NQF) ne'ebé sertifika husi INDMO (Instituto Nacional de Desenvolvimento de Mão de Obra) – SEPFOPE ba nível formasaun profissional no'mos husi ANAAA (Agência Nacional de Avaliação e Acreditação Académica) – Ministério da Educação (MdE) nian, nuudar izemplu: Padraun ba Sertifikadu 1 – IV hetan akreditasaun iha INDMO-SEPFOPE no padraun ba Sertifikadu V-IX (Diploma 1 – Doutoramentu) hetan akreditasaun husi ANAAA-MdF.**

Programa ne'e iha ninian objetivu atu finanzia Liñas Ministeriais (LM) sira nian funsionáriu hodi prepara no hasa'e **kompetênsias abilidade timoroan sira nian, liu-liu ba jov-**

**ens feto no mane bazeia ba ejijensia ba nesessidades industria ka mercadu traballu nian ka habilidades ne'ebé ho natureza ka karater níveis sertifikasaun.**

#### 3.3.2.Programa Formasaun Técnica (Kodígu Orsamentu 811)

**Programa ne'e fo'o apoiu tomak ba dezvoltamentu kapasidade funsionáriu Estadu nian ka ajentes iha Estadu tomak ba área oin-oin, haktuir planu no prioridades governu nian ba setór hotu-hotu ho objetivu atu aumenta matenek no dezvoltave nomos mellora di'ak liu tan prestasaun servisu ajentes ka mákina estadu hodi serbii di'ak liu tan iha sira-nia servisu fatin.**

**Formasaun ba iha futuru mai sei depende ba re-kezitu ka regras no leis Regime de Carreira husi Comissão da Função Pública (CFP) hodi nune'e bele assegura liu tan politika estadu nian hodi hare ba kompetênsias no pozisaun funsionáriu idak-idak ida dezvoltamentu estadu ne'e.**

**Níveis no área ba formasaun sei adapta tuir regras da função pública, inklui mos prioridades estadu nian ne'ebé sei foti referênsia husi "Estudo Mapeamento Nacional ba Prioridades Recursos Humanos ba iha Setor Públiku no Privadu" ne'ebé halao husi Secretariado do FDCH ina tinan 2016 nian rohan (fim de 2016) ho orientasaun CA-FDCH nian nomos aprova iha Conselho de Ministro (CdM) iha loron 23 de Agosto 2016, hodi responde mos ba objetivu PEDN (Planu Estratégico do Desenvolvimento Nacional) 2011-2030.**

#### 3.3.3.Programa Bolsas Estudos-BdE (Kodígu Orsamentu 812)

**Programa ne'e ninian foku no objetivu ma'ak atu finanzia Timor-oan feto no mane hodi hetan oportunidade atu kontinua ba estudu nível ensinu superior hahu husi níveis Diploma 1 to'o nível Doutoramentu haktuir Quadramento Qualificação Nacional de Timor-Leste – QQNTL (National Qualifications' Framework – NQF) ba iha Universidades ka Institutu Superior sira tantu iha rai-laran no rai-liur. Áreas estudu sei haktuir prioridades governu no nesessidades nasaun ninian.**

**Oportunidade ba Bolsa de Estudo sei aplika ba funsionáriu estadu nian nomos públiku timoroan feto no mane hahu husi tinan 17 to'o tinan 50 depende ba níveis eskolar.**

**Prosesu Bolsa de Estudo sei liuhusi konkursu formal ne'ebé Ministério ka Instituisaun Estadu RDTL ida ma'ak tenki organiza ho aprovasaun husi CA-FDCH ne'ebé sei determina no aprova proposta mai husi LM ne'ebé mak organiza programa ne'e.**

Apoiu financeiru husi FDCH ba programa ne'e, bele liuhusi meius rua (2):

### 3.3.3.1. Programa Bolsa Estudo Kompleta (Full Scholarship);

**Programa ne'e sei hetan apoio másimu husi FDCH hodi selu ka kobre ba kustu Propinas Eskola, Kustu ba Vida moris nian (Kustu de vida), Seguru/ Tratamentu ba Saúde nian no Transporte ka Bilhete de Viagem ba iha rai-liur (Ba & Fila – dala ida deit) wainhira remata estudo, kustu material didaktiku no Kusto balun tan hanesan peskiza ba finalista nian.**

**Importante ka obrigasaun atu estabelese akordu memorandum entre Instituisaun iha Estadu RDTL ho instituisaun ensinu superior sira iha rai-laran ka ba iha rai-liur. Partikularmente ba iha rai-liur, instituisaun ne'ebé organiza programa bolsa de estudo tenki koordena mos ho MNEC (Ministério dos Negocios Estrangeiros e Cooperação) atu servisu besik ho Embaixadas RDTL iha nasaun hospedeiru inklui mos ho Consulados RDTL nian.**

**Atu FDCH bele aprova no ezekuta pagamentu ba programa ne'e, precisamente tenki iha dokumentus hanesan: MoU (Memorandum of Understanding), MoA (Memorandum of Agreement) ka Technical Agreement ba implementasaun programa ne'e entre instituisaun sira.**

**Parte seluk, tenki iha mos akordu kontratu entre instituisaun nebé organiza ho bolseiru sira hodi koalia kona ba "Deveres ka Obrigasaun, Responsabilidade, Sanksoens" husi parte hotu-hotu atu nune'e bele garante programa ne'e ninian sussesu.**

### 3.3.3.2. Bolsa de Estudo Parcial (BEP) liu husi Subsídio Individuais (SI);

**Aparte husi programa bolsa de estudo iha FDCH nebé liu husi prosesu konkursu formal organizado husi LM ka FDCH rasik, haktuir matadalan ba formasaun no bolsa de estudo FDCH nian, iha mos verba ka orsamentu balun alokadu atu fo'o subsidio orsamentu balun nebé sei fornese ba Timor-oan sira nebé estuda hela iha nível ensino superior, tantu iha rai laran ka ba iha instituisaun sira rai liur nian.**

**Objetivu husi apoio ne'e ma'ak hanesan tulun ida komplementar (subsídio complementar) ka hanesan ajudo ka apoio financeiro balun hodi fo'o ba estudantes Timor-oan ida husi nível Diploma-1 to'o fali nível de estudo Doutoramento, nebé iha valores ka notas escolar di'ak durante prekursu akadémiku nian.**

**Apoio subsidio ne'e sei fo'o dala ida deit ba estudante ida dala ida wainhira hetan rekomendasaun husi Comité Avaliasaun Proposta Subsídios (CAPS) hodi elabora no hato'o**

**parecer ba CA-FDCH haktuir Artigu 110 ponto 30 iha Diploma Ministerial no 11/2011, 13 de Abril. Kompozisaun ba CAPS husi Secretário Executivo do FDCH nebé prezidi, membros ma'ak Koordinadores iha Secretariado FDCH nian, hanesan: GAP-PEFIV, GARHI, GASEPA, GAPLO no GAGESI.**

**Kritérius jerais atu avalia ba propostas subsidius individuais no subsidius finalistas, ma'ak hanesan tuir mai ne'e:**

**Proposta subsidius tenki dirije ba CA-FDCH ka Presidente CA-FDCH hodi esplika necessidades estudo no dificuldade financeira nebé estudante ida hasoru. Maibe bele mos dirije diretamente ba Secretário Executivo do FDCH wainhira iha delegasaun competências husi CA-FDCH ka Presidente do CA-FDCH ka Ministro tutelado;**

**Dokumentus nebé presiza atu anexa ma'ak:**

**a) Carta Pedido ka rekerimentu dirige ba Presidente CA-FDCH ka Secretário Executivo FDCH nian wainhira hetan delegasaun;**

**b) Detalhes tabela orsamentu ne'ebé kobre deit ba (laos selu ba item tomak): Propinas (dala ida deit), Materiais Didaktika, Kustu Pratika ka Peskiza Finalista no Teze;**

- **Karta komprovativu (Surat Pernyataan) sei aktivu iha escola ka hanesan estudante finalista;**
- **Notas ka valores escola nian ka transcript husi hahu escola to'o final (pelo menos notas semestre ida nian);**
- **Kópia Kartaun Estudantes (ID Card/ Kartu Mahasiswa);**
- **Kópia Kartaun Billete Identidade (iha proposta iha rai-laran) ka Kópia Passaporte ba iha estudante iha rai-liur;**
- **Kópia Konta Bankária ho número Swift Code/ IBAN no asina iha leten.**
- **Notas ka valores nebé hatama tenki atinji, pelu-menus:**
- **Valor notas em total 10 ba iha países/ nasaun CPLP;**
- **GPA ka total media ho 2,75 ba iha nasaun Inglêses;**
- **IPK ka total media pelu menus 3 ba Universidades Privadas no IPK 2,75 ba Universidades Públicos iha Indonésia.**
- **Ba estudante ida so bele hetan apoio subsidio dala ida deit. Ho razaun tamba FDCH tenki garante katak orsamentu sei disponível ba Timor-Oan hotu-hotu nebé mos iha direito hanesan.**

**Maibe se wainhira hetan rekomendasaun no aprovasaun direitamente husi CA-FDCH ka Presidente do CA-FDCH, pedidu ne'e sei prosessa iha Secretariado FDCH ho rekizitus pagamentus nebé iha, inkluidu halo kontratu ba bolsa parsial nian, haktuir iha Diploma Ministerial no 09/2011, 13 de Abril, iha Ponto 3º, Artigu 110, nebé koalia:**

**"No caso de pedidos individuais de apoio por cidadãos Timorenses, compete ao Secretariado a coordenação da seleção por mérito e submissão dos mesmos ao Conselho de**



Administração.”

Programa ne'e, bele mos aplika, wainhira iha parceria entre estado RDTL ho Instituisaun ruma nebé fornese Bolsas metade ka Inan-Aman sira ne' be selu rasik sira nian oan, tantu atu kobre Propinas ka Kustu de Vida ka orsamentu ruma nebé hetan konkordansia atu fahe ka partilha recurso entre Instituisaun 2 husi Estado RDTL ho parceiro ruma interna ka externa (rai-liur).

3.3.4.Tipu Formasaun Seluk (Outros Tipos de Formação) – (Kodígu Orsamentu 813)

**Programa ne'e destinadu atu fo'o apoiu ba áreas especializadas hanesan Institutoens Seguransa, Defeza no ba área justisa ka ba Ministério Públiku.**

Bazeia ba Livru do Orsamentu no 6, hahu kedas husi tinan fiscal 2011, wainhira fundo ne'e hari'i, tinan-tinan Secretariado do FDCH elabora proposta konaba planu programas tomak nebe mai husi Linhas Ministeriais (LM) acreditadas ba fundo ne'e, no apresenta ba CA-FDCH hodi hetan aprovasaun ba planus hirak ne'e, hafoin encaminha ba Direção Geral das Finanças do Estado iha Ministério das Finanças hodi halo súmero no ajusta iha Livro no 6.

Hafoin, sumário nebé MdF kompila sei apresenta ba iha Comissão de Revisão do Orçamento Política (CROP) prezidida husi Primeiro Ministro da RDTL nudar Presidente do CROP.

Depois hetan tiha aprovasaun husi CROP, proposta orsamentu ne'e sei lori fali ba iha Conselho de Ministros (CdM) hodi deskute final no lori ba iha Parlamento Nacional atu

hetan mos aprovasaun, antes atu lori ba iha Presidente da República atu promulga.

3.4.Relasaun Parseria entre Secretariado FDCH, Liñas Ministeriais no Parceiro Sira Seluk.

Programas nebé finansiadu husi FDCH, maioria finansia planus no programas prioridades ba dezvoltimentu recursos individus iha orgaun estado tomak iha RDTL, inkuindu LM, Orgaun Autonomas, Centro Formasaun, membrus CCI (Câmara do Comercio e Industria) no Públiku Timor-Oan tomak nebé assessu orsamentu liu husi instituisaun do estado ida.

Setor privadu ka públiku Timor-Oan seidak permite atu iha ligasaun direta mai Secretariado FDCH atu iha verba rasik ka assessu rasik ba orsamentu no hakerek iha livru no 6.

Tanba ne'e, relasaun entre FDCH liu husi Secretariado FDCH nian ho orgaun estado no governu sira ma'ak sei halo parceria atu nune'e bele involve individu ka instiuisaun nebé deit hodi bele hola parte liu husi kontratu de parceria ruma hodi hetan apoiu orsamentu bazeia ba programa no prioridades mai husi LM sira no aprova dahuluk iha CA-FDCH.

\*\*\*

**"Sidadaun ida-idak ho nia planu ida ba moris, ho matadalan ne'ebe klaru no akonsellamentu adekuada kona-ba oportunidade ba edukasaun, formasaun no diferente opsaun profesional"**  
**(Taur Matan Ruak, Discurso do 1º Ministro - Tomada de Posse 22 - 06 -2018)**



Foto fontes: goggle

# Informasaun Detaillu vizita website FDCH

[www.fdch.gov.tl](http://www.fdch.gov.tl)

Kontaktu:  
[info@fdch.gov.tl](mailto:info@fdch.gov.tl)

Nis Edifisiu MF  
Edifisiu 5, 1º Andar,  
Palasiu Governu,  
Dili, Timor-Leste

Telefona: +670  
8510388/8510484  
(Ext.118)

Sein ho ami lha:  
<https://www.facebook.com/fdch.gov.tl/>

Like ami nia  
Fanpage

## Download

### Livrus & Relatorius

1. Rezultadu Estudu Avaliasaun 2011-2014
2. Mapeamentu Rekursu Umanus ba Setor Publiku
3. Relatorius Trimestral
4. Relatoriu Annual
5. Relatoriu 5 anos

**facebook**  
Fan Pages

Asesu ba Baze de  
Dadus FDCH  
(BMIS)

Buletin FDCH Versaun Elektronika Bele Download lha: [www.fdch.gov.tl](http://www.fdch.gov.tl)

